



江北運程卷十九提綱

山東濟甯直隸州至州屬魚臺縣境

會通河經濟甯州自曹井橋上接鉅野縣入境起

四里右岸耐牢坡甯有永通牖通牛頭河

五里右岸安居鎮甯濟

十里右岸十里亭甯濟

五里右岸濟安橋甯濟

三里跨河草橋甯濟

二里跨河飛虹橋甯濟甯州城南門橋也

江北運程 卷十九 提綱

城上有太白酒樓

一分跨河天井牖甯濟

一里三分跨河在城牖甯濟

六里跨河趙村牖甯濟


六里跨河石佛牖甯濟

九里 花家淺甯濟 自宋獻諷敵中題句

九里 新店牖甯濟 自曹氏蘇士對臨淮人觀

八里跨河新牖甯濟 曹氏轉帆至臥觀魚臺湖

六里跨河仲淺牖甯濟



五里跨河師莊插濟甯

四里兩岸魯橋汎濟甯泗水由此入運

師莊魯橋之間地舊屬鄒

五派泉源其一出於鄒

於曲阜之東南之南

濟甯之東南

計泉三十有九

出魯橋濟運為魯橋派

六里跨河棗林插濟甯

江北運程

卷十九 提綱

二

四里 四里灣濟甯

右自曹井橋起至四里灣會通河行濟甯州境計程九十

三里四分下入魚臺縣界

五派泉源其一出於濟

泗水由此入運

四里魯橋汎泗水由此入運

五里師莊插

江北運程卷十九

甘泉董恂醜卿甫輯

山東濟甯直隸州至州屬魚臺縣境

會通河經濟甯州。自曹井橋上接鉅野縣入境起。

恂按濟甯州境河道。衛與州分轄。衛則千總掌之。州則州判掌之。張公奏議濟甯衛河道。北自曹井橋迤北鉅野縣交界起。南至五里營迤東濟甯州交界止。計長一十七里八分。置減水牐安居斗門牐。濟甯州河道。北自五里營之東濟甯衛交界起。南至魚臺縣四里灣交界止。計長七十五里。牐九座。曰天井。曰在城。曰趙村。曰石佛。曰新店。曰新牐。曰仲家淺。曰帥家莊。曰棗林。

江北運程

卷十九

一

漕運紀程濟甯衛千總二員。遞年輪管河道。南自五里營濟甯州界起。北至曹井橋鉅野縣界止。長一十七里八分。濟甯衛汎淺鋪五。曰安居。東安居。北趙家口。汪家路口。曹井橋。額設淺夫六十五名。雍正五年。新改河兵四十名。濟甯州判一員。該管河道。南自四里灣魚臺縣界起。北至五里營東濟甯衛界止。長七十五里。濟甯汎淺鋪四。曰濟甯塘。河棗林牐上。魯橋。喬家門。首額設淺夫一百三十三名五分。

四里。右耐牢坡。甯甯有永通牐。通牛頭河。

輿程記濟甯州西三里有分水牐。又西十三里舊有安居牐。又

五里曰耐牢牓。北河續記明成化間開濟甯西湖。自耐牢坡至塌場口長九十里。汶水入焉。改耐牢坡牓名永通。轉漕衡湘。筆記過曹井橋。入濟甯界。少頃過耐牢坡。明初用兵梁晉。大將軍徐達於濟甯西二十里耐牢坡口建一牓曰永通。從牛頭河以達魚臺之塌場口。出穀亭運道。卽此。洩漲保運篇南陽湖在運河之西。昭陽湖之北。汶水自分水口南流。遇有驟漲。天井牓水急。糧艘不得上。亟於上流開永通牓洩水入耐牢坡。由牛頭河下注南陽湖。山東全河備考牛頭河西至耐牢坡口。東至魚臺之塌場口九十里。係明初徐達所開。不惟可以通運。而濟甯以

## 江北運程

### 卷十九

二

南窪地之水由之洩入昭陽。實濟甯以南之水道也。自穀亭淤而塌場口塞。濟甯南鄉遂歲受水患。應仍浚牛頭河。使達昭陽諸湖。以通蓄洩。而濟甯南鄉一帶窪地。儻能築岸分圩。效江南插秧種稻之法。以獲水田之利。卽可轉荒瘠而變膏腴。亦存乎其人之興舉爾。昔商輅記平江伯陳銳開耐牢坡畧曰。前史云。有志者事竟成。此可爲遇事而不爲與爲事而無成功之勸。昔洪水爲害。禹受命治之。疏三江。導九河。鑿龍門。排伊闕。而後水順其道。人得甯居。此聖人之功。萬世永賴。卓乎不可及已。後世若李冰疏江水以利民。范仲淹築海隄以捍患。皆足惠當時而

傳後世。孰謂天下果有不可爲之事。不可成之功乎。若今漕運總兵平江伯陳君銳。可謂勇於有爲而果於成功者已。君故平江恭襄公會孫。年富力強。才高識卓。縉紳大夫咸推重之。遂自兩廣總鎮移董漕運。期歲之間。凡恭襄所遺良法美意。悉舉而行。漕途坦坦。人自以爲弗勞。頃至濟甯。見運舟上牕之難。因以耐牢坡舊河詢之居民。有進而告者曰。是河不通舟楫已踰百年。宣德初。恭襄公嘗命工疏浚。未及成而公捐館。至今人猶惜之。君乃躬詣相度。果有可行之勢。遂會總督漕運都憲李君裕。移檄山東管河副使陳君善。通判陳翼。出公帑之積。鳩工市材。

### 江北運程

#### 卷十九

三

卜日舉事。自耐牢坡至塌場口計九十八里。其間石橋土堰灘淺淤塞一一疏之。耐牢河口舊有減水牕。移進二里許。改置大牕。又增置塌場口牕。以節下流之疾。於是水勢平夷。舟行便利。因改耐牢坡河曰永通河。牕曰永通牕。其新設塌場口牕曰廣運牕。牕各有廳。皆三楹。一軒。翼以兩廂。拱以門樓。衛以垣墉。挽舟有具。供役有夫。經始於成化乙未。

恂按十年

春二月。畢工。於是

歲夏五月。事聞。朝廷特設牕官蒞之。蓋是河故蹟。郡志載。至元六年。黃河水溢。自曹縣界東北流。瀆鉅野澤。從東南經嘉祥縣蓮花池。抵古濟州。以西二十五里爲耐牢坡。南經魚臺縣大塌

場入會通河。卽今運河。當時江南舟楫俱此經行。洪武戊辰按

二十一年河水復溢。而此河因塞。自魯橋以北皆舍舟從陸。設爲車

站。永樂辛卯按復命大臣疏濬河道。止從近州。牐河用工。而

是河遂廢。夫廢於前而興於後。果誰之功乎。於是漕運中都留

守把總都指揮高興。南京各衛把總指揮徐昇夏堅輩相率來

徵。予文立碑示久。遂次第其始末爲記。翁大立開廢渠洩積水

疏畧曰。臣查國初洪永間開濟甯池西耐牢坡。引曹鄆黃河水

經塌場出穀亭以爲運道。今上有忙生牐通南旺。中有永通牐

通濟甯。下有廣運牐通穀亭者。謂之舊黃河。自舊黃河以下湖

江北運程 卷十九 四

陵城水道尙存。舟航可達。惟湖陵城之下。黃水旣退。地形反高。

臣乃督令兗州府同知章時鸞。沛縣知縣李時。自留城之回回

墓大開決口以達佃戶屯。再開淤澱以達李家口。遂與鴻溝相

通。使穀亭湖陵城之水皆入昭陽湖。昭陽湖之水又由鴻溝以

出。若汶泗水漲。則斗門宣泄。鴻溝可以納流。汶泗水消。則斗門

封閉。漕河可以免涸。唇齒相依之形也。由忙生牐以至廣運牐。

由廣運牐以至湖陵城。由湖陵城以出回回墓。上下三百里皆

與漕河相接。首尾相銜之勢也。漕河爲主。鴻溝爲輔。譬之闕閤

之家。傍開側戶。艤艫之艦。尾繫輕舠。緩急相濟之意也。由二公

之言觀之。則耐牢坡之復開。不惟可以變濟甯以南之窪地爲膏腴。而漕河藉此以吐納。亦未始非蓄洩之利也。方恆嘗有瀕運諸湖水田議。畧曰。近歲承乏。河干時履疆域。相度邱原。得觀滕沛魚濟各被水淹之處。益知東南之水田未嘗不可立致也。誠仿東南治田法。就其被水患者。中間開爲支河。四圍築以圩岸。最爲便易。乃爲之時。其耘耔以種秧苗。備其桔槔以資車戽。則水荒棄地不難變爲沃壤。獨此國用匱乏。民生困苦之時。以牛種廬舍。問之上。上無餘財。以陞科告佃。責之下。下無餘力。是以逡巡而不敢行。是莫若仿元人虞集所言。視田授官之意。開力田之科。有能闢水田若干頃者。予以幾品冠帶。多者秩以遞增。其田卽授爲永業。如是永著爲令。則既有閒田以酬其開墾之勞。復有冠帶以勵其急公之念。凡有餘力之家。有不踴躍趨事者乎。并附載以備採擇。

河防志牛頭河在濟甯州城南舊通南旺由永通牐下連魚臺縣之穀亭

卽舊運河也。自改運河之後。將永通牐築隄閉塞。惟諸窪之水彙入河中。下游已淤。皆於運河不通。行水金鑑耐牢坡復開。甚得蓄洩之利。漕運民生均賴。至水田之議。用意深長。果能行此。興西北之水利。紓東南之民困。國家之計。孰有大於斯者乎。

山東運河備覽牛頭河在州西南二十里。漕河南岸。卽耐牢坡。

上有永通牐洩出漕渠之水。至魚臺縣塌場口入舊運河。蓋黃河之故道也。東河事宜冊牛頭河上源卽耐牢坡洩漕河之水。



至魚臺塌場口入舊河。蓋黃河之故道也。由是洩入昭陽湖。舊河久廢。乾隆五十一年。於漕濟水利案內。將該河疏浚。上引南旺湖。宋家窪。趙王河諸水入南陽湖。

國朝吳璣疏查牛頭河爲微湖來源。本係常行舊路。現據運河兗沂二道將應挑工程。勘估具稟。臣會同吉綸覆覈。即當奏辦。至潘家屯引渠。查乾隆三十九年。因微湖存水七尺八寸。偶爲權宜濟運之計。彼時黃河底深。不致掣溜。迄今已閱三十餘年。黃河河底淤高。自應詳加妥酌。現在微湖自啟放。蘭家山積水。已見加長。存水八尺八寸。又挑牛頭河以通坡水。來歲必有增益。如不能收符定誌。再將牛頭河上游趙王河疏濬。又可多收曹州府荷澤定陶鄆城鉅野直隸東明長垣等縣坡水。自無缺乏。如牛頭河濬後。微湖水尚不充。須挑潘家屯引渠。再當會籌妥辦。至伊家河係分洩微湖異漲之路。如尋常水大之年。現有湖口雙牖及十五孔橋。足資宣洩。臣當與江南山東督撫河臣隨時相機。熟商務使漕運湖漕。

### 江北運程

#### 卷十九

六

均收實益而事歸穩妥。恂按此奏。在嘉慶十二年十一月初五日。時任河東總河疏入奉。

硃批

所論甚是。引黃灌湖必有流弊。若牛頭河通暢。足資挹注。潘家屯即可不辦。戴均元徐端疏查東省微湖本年存水較弱。是以會同東河河臣吳敬奏。明將江境蘭家山積水宣導入湖。以資挹注。其上游牛頭河本係微湖來源。今蒙

諭旨

令山東河撫二臣勘估興挑。自可得收實益。至潘家屯在豐北

廳銅汎地方。經前兩江督臣高晉勘辦於灘面估挑。倒鉤引渠。照毛城鋪安砌碎石。填以徐城誌椿。存水六尺。啟放長至七尺以上。卽行堵閉。以防吸溜。自乾隆四十年後。未再啟放。迄今閱三十餘年。黃河今昔不同。卽以現在徐城北門誌椿。存清水一丈三尺計算。則黃水面高。迥非三十九年前情形。可比。仍咨會東河河臣山東撫臣。如果牛頭河挑濬後。微山湖水尚不充裕。必須挑濬潘家屯引渠。再行籌辦。恂按此奏。在嘉慶十二年十一月二十一日。時戴任南河正總河徐任南河副總河疏入奉。

上諭前日吳敬吉綸覆奏此事。持論俱同。東省現已挑濬牛頭河。湖水自較充裕。所有江境潘家屯挑挖事宜。竟可毋庸辦理。吳敬

諭旨

吉綸疏臣等欽奉

覓牛頭河以資濟運當卽出示曉諭飭委運河道王念孫署  
充浙曹濟道王如金率同上年原估泰安府知府徐日贊等  
逐細確估並令藩司會同該道覆覈各價籌撥銀款茲據司  
道詳稱牛頭河自南旺芒生牯至南陽湖止長二萬一千九  
十五丈共工五十八段內舊河形有積水淺深不一亦有  
淤成平陸者較上年勘估已逾一載復有新淤應量加寬深  
以資暢達現用水平較量南旺湖水面高芒生牯金門水面  
三尺餘赤芒生牯金門存水二尺應卽以此存水二尺為準  
遞次加深俾勢成建甍自無阻礙旁溢之患公同覈計以淤  
墊厚薄定挑濬深淺估挑口寬三丈九尺二寸至六丈四尺  
四寸不等底寬三丈五尺至五丈四尺不等深三尺至八  
尺六寸不等以上共估挑河土四十萬九千五百七十餘方  
每方例價銀八分一釐該銀三萬三千一百七十五兩五錢  
八分九釐又南旺湖芒生牯池下宋家窪舊河渠一道接牛  
頭河係洩坡水歸湖之路應於西岸宋家窪內建涵洞一  
座與芒生牯遞相啟閉以免湖水倒漾並於芒生牯東岸臨  
清衛境添涵洞一座以收宋家莊坡水俾免泛漫民田共估

江北運程

卷十九

七

工料銀一千三百七十餘兩又芒生牯下臨清衛交界起至  
嘉祥王家橋止向無隄堰束水恐致泛溢民田計東西兩岸  
長二千二百六十丈卽以挑工培築攔水隄工七段共土二  
萬二千二百六方五分不計錢糧每方祇扣碾工銀三分共  
銀六百六十六兩共估例價銀三萬五千二百一十七兩一  
錢五分至例價僅每方八分一釐民夫飯食不敷前奏辦牛  
頭河欽奉

諭旨

准將例幫價銀詳加估計查本年挑辦四女寺支河奏明每土

一方酌加幫價銀四分今照此例每方給幫價銀四分共幫  
價銀一萬六千三百八十三兩七釐涵洞二座照本省張幫  
例石料木植及墮石等夫酌給幫價銀五百二十三兩共幫  
價銀一萬六千九百六十四錢六分九釐通計例幫二價共  
銀五萬二千一百二十三兩六錢一分九釐查運河道庫向  
有節省八束銀兩本係留爲別項工程之用又藩庫舊存冊  
房修費一項係充公閑款此次所估例價請動用藩庫修費  
銀兩其幫價卽於河庫八束項下動支臣等會議詳勘均係  
必應辦理之玉所估丈尺銀數並無浮多據稟例價不敷亦  
屬實情請卽如詳動支發給辦理再乾隆五十年挑濬趙王

牛頭等河係派十五廳州縣衛承辦五十二年係派十三州縣衛承辦今所估牛頭河工段在嘉祥濟甯魚臺臨清衛四屬若僅令該州縣衛承辦工段較多照料難周且恐不能刻期歲事臣等酌覈牛頭河共工五十八段並建涵洞二座培築攔水隄堰二千二百餘丈除臨清衛並無管轄民人又有催漕之責毋庸派辦其餘本管州縣各承辦本境一分此外工段於附近各工現任州縣及候補牧令中酌派分段承辦庶各有責成迅速竣事並派泰安府知府徐日簪等駐工彈壓責成運河兗沂二道督辦務使照估如式挑深以收蓄蓄之效倘按此奏亦在嘉慶十二年吳任東河吉任東撫嗣於十三年閏五月奏報工竣

五里右岸安居鎮濟甯

居濟一得安居牐亦不可輕開爲其洩水太甚也必俟白嘴不能入運方開此牐然開放亦當有節須酌量啟板使僅足濟運

江北運程 卷十九

無致太洩仍於牐內引河兩旁開副河二道每道開導水之小渠五處二道共十處如用水時先開一渠如不足再開一渠又不足再開一渠漸次開放水足卽止不可多開致水盡洩十里鋪牐亦宜仿此運河廳冊濟甯衛管河千總一員本管兵夫四十二名軍夫二十五名專司修防所管河道南自濟甯州交界起北至鉅野縣交界止計十八里運河東岸官隄共十六段共長一千三百五十九丈馬場湖一區周圍四十里三分蓄泗府洩之水設有十里安居二斗門如運河水弱則酌啟二斗門出水濟運十里斗門一座金門口寬一丈砌石九層高一丈八寸

元至正元年建。乾隆三十六年拆修。斗門引渠一道。共長六百二十八丈。十里鋪池北湖面防風埽工一段。長七十二丈。寬七尺。高七尺。安居斗門一座。金門口寬一丈。砌石九層。高一丈八寸。元至正元年建。雍正九年重修。斗門引渠一道。共長一千五百六十一丈。汪家路口湖面防風埽工一段。長一百丈。寬七尺。高五尺五寸。又接連湖面防風埽工一段。長五十七丈五尺。寬七尺。高五尺。運河西岸官隄共十四段。共長二千一十八丈。十里斗門對過大石工一段。長十二丈。砌石十層。高一丈二尺。元至正元年建。乾隆三十六年拆修。安居人家內河面防風埽工

江北運程

卷十九

一段。長七十丈。寬八尺。高九尺。安居石馬頭兩頭河面防風埽工一段。長六十九丈。寬七尺。高九尺。安居斗門對過大石工一段。長十二丈。砌石十層。高一丈二尺。元至正元年建。乾隆三十五年拆修。安居斗門對過臨水礮岸北頭河面防風埽工一段。長三十二丈。寬七尺。高九尺。倘按安居鎮十里鋪俱在右岸。其兩斗門則在左岸。通馬場湖。

十里。右岸。十里亭。濟甯。

漕運紀程。濟甯衛汛。該管隄埝。西岸自五里營至曹井橋有土

工九段。共長六百七十六丈二尺。雍正七年加修。自五里營至曹井橋月隄有土工十一段。共長一千三百一丈八尺。雍正九

年加修。四省運河圖。十里斗門南有五里營。居濟一得十里鋪。牖在五里營牖之上。五里營牖已經廢壞。不必修矣。至十里鋪。牖亦不可輕開。蓋此牖界在湖心。一經開放。則湖水一洩無餘。必運河水涸。萬不得已乃開。惟白嘴開放無妨。恂按以上河道。濟甯衛轄。以下河道濟甯州判轄。

五里。右岸濟安橋。

濟甯

山東通志。濟甯州濟安橋。在草橋西。漕運紀程。在城天井二牖。月河繞南門橋草橋而北。由濟安橋上接運河。中建三牖。南曰下新。中曰中新。北曰上新。運河廳冊。濟安臺西裹石工一段。長

江北運程

卷十九

十

十七丈。高四尺二寸。乾隆二十四年建修。濟安臺營房起裹石工一段。長二十丈。高四尺二寸。乾隆二十四年建修。王棚灣南河面防風埽工一段。長四十五丈。仁和巷河面防風埽工一段。長二十七丈。俱寬九尺。高九尺。山東運河備覽。東岸濟甯州自在城牖下真君廟起。至天井牖上濟安橋止。皆在該州城外。曰韋馱棚。曰通心橋。分洩楊家埧下注之水。濟安橋即在城牖下南岸月河之上口。每歲挑河開此口門。使水由月河出在城牖下天井塘河方可挑空。工竣仍行堵閉。使水由正河鋪灌。楊家埧在濟甯州城東。運河廳冊。楊家埧在濟甯城東。泗河之水貫

竟州府城西流合泚水同經此口入運復爲坵所遏泗泚之水由夏家橋邁城而西入馬場湖其道迂每至伏秋水漲淹害民田乾隆二十二年改坵爲牖平時常閉收水入湖水漲啟板收入運河如濟甯以南運河水弱則啟是牖放水由在城牖下之通心橋入運甚得利益陶按楊家坵源流詳前卷末楊家牖一座金門口寬一丈四尺砌石十七層高二丈四寸乾隆二十二年建四十九年重修嘉慶十年復修二十二年移建舊牖迤南東岸添建礮岸長二十丈砌石十層高一丈二尺

三里跨濟河草橋甯

江北運程

卷十九

七

山東通志濟甯州草橋在城西南轉漕衡湘筆記草橋亦石牖也第無板耳運河廳冊草橋一座金門口寬二丈五寸高一丈三尺六寸建自前明原係年遠片石工程無考乾隆六十年擬於一丈之上估修大石三層上加海漫一層連下面一丈共高一丈四尺八寸較舊制加高一尺二寸橋夫十名東岸草橋下接雁翅大石工一段長四十丈砌石十四層高一丈六尺八寸乾隆十八年建修西岸草橋迤北河面防風埽工一段長四十六丈寬一丈高一丈一尺草橋下接雁翅河面防風埽工一段長十一丈寬一丈高一丈二尺王家門前河面防風埽工一段

長三十一丈。金家火巷河面防風埽工一段。長二十一丈。俱寬九尺。高九尺。撥夫口河面防風埽工一段。長一十九丈。寬九尺。高八尺五寸。恂按萬里雲程作草橋牖。並云第二十七牖。

國朝完顏偉疏。濟甯州草橋連河北岸。緯道一段。長四十丈。外臨河身。內靠民舍。該工緊接橋座。雁翅回溜。刷塌已盡。實因懸岸壁立。加幫土工不能堅固。鑲修柴工難垂久遠。必須建築石工。以資抵禦。恂按此奏在乾隆十二年。時任東河總督疏入工部。覆准依議行。

二里。跨河飛虹橋。濟甯州城南門橋也。

山東通志。濟甯州飛虹橋。卽南門橋。轉漕衡湘筆記。濟甯南門橋亦一石牖。無板。運河廳冊。南門橋一座。建自前明。年遠無考。

江北運程 卷十九

金門二空。北空寬一丈五尺。南空寬二丈二尺。中心石垛兩牆。各長三丈六尺。上分水尖各斜長一丈三尺三寸。下分水尖各斜長一丈九尺七寸。砌石十五層半。高一丈八尺六寸。嘉慶十九年拆修。橋夫十四名。東岸南門橋上下原修板工。易於損壞。爲糧運行。緯商賈通衢要道。嘉慶十八年。改建大石工二段。長二十丈。砌石十三層。高一丈五尺六寸。西岸南門橋下接雁翅石工一段。長十丈。砌石七層。高八尺四寸。乾隆二十四年建修。

國朝吳敬李鴻賓疏。據運河道詳稱。運河廳濟甯汛南門橋一座。金門二孔。兩岸石牆中有磯心石。垛北孔鋪滿石板。下通水道。南孔係重空糧艘。經由要路。此橋建自前明。係片石修砌。乾隆五十四年。因南岸由身雁翅裏頭。蟄陷。佑修聲明。

從前原係片石修砌並無漕規按照裏石漕規覈估動用節省八東銀兩辦理茲緣橋座逼近天井牯塘地勢建甬每逢伏秋汛漲衝激淘刷經歷年久致將金門二孔兩岸石牆及中間磯心石垛各由身上下雁翅裏頭通身酥碎坍塌戲裂底椿朽爛根脚空虛卽南岸所砌裏石原無丁石迄今二十餘年復又坍塌損壞亟應徹底拆修若仍用片石修砌又無丁石屹立水中恐難經久須仿照大牯添估雙料面石丁石按層丁砌方資鞏固所拆面裏等石因年遠酥碎僅選十分之四計添新石六成摶節確估各工料連築垣岸水等項共需例價銀五千五百七兩一錢並加幫價銀二千二百二十三兩六錢共估例幫二價銀七千七百三十七兩七錢查係亟應拆修之工按該廳冊造銀數確覈無浮請動用運河兗沂兩道庫存節省八東銀兩趕緊辦理詳請會奏臣等查濟甯汛南門橋座係漕艘行走要處現實坍塌不堪本年重空往還卽係密下排椿勉強支攔方免全塌實屬難緩之工請循照舊例動用道庫節省八東銀兩趕緊購料物運集河千速爲興辦俾一律鞏固以資滄蓄以利運行荷按此奏在嘉慶十九年十月十七日時吳任河東總河李任河東副總河

江北運程 卷十九

一統志濟甯州在山東省治南四百九十里荷按此據東西距州治言

一百四十里南北距一百八十里東至兗州府鄒縣界四十里

西至曹州府鉅野縣界一百里南至江蘇徐州府豐縣界一百

四十里北至兗州府汶上縣界四十里東南至兗州府滋陽縣

界四十里西南至曹州府單縣界一百二十里東北至滋陽縣

界五十里西北至汶上縣界四十五里荷按以上統所屬金鄉嘉祥魚臺三縣覈計

本州境東西距八十里南北距一百五里東至鄒縣界四十里

西至嘉祥縣界四十里南至魚臺縣界六十里北至汶上縣界

四十五里東南至鄒縣界四十里西南至金鄉縣界六十里東



北至滋陽縣界五十里。西北至汶上縣界四十五里。循按以上專計州境。

自州治至京師一千二百里。禹貢徐兗二州之域。春秋為任

國。戰國屬齊。秦屬碭郡。漢置任城。屬東平國。後漢元和初。分置

任城國。晉永嘉後。以縣屬高平郡。宋初因之。後廢。後魏神龜初。

復置任城郡。並置縣。為郡治。北齊天保七年。改郡曰高平。隋開

皇初。郡復廢。縣屬魯郡。唐屬兗州。五代周屬濟州。宋因之。金天

德二年。移州治任城。元初。仍曰濟州。至元六年。徙治鉅野。八年。

升為濟甯府。還治任城。尋復徙。十二年。復置濟州。屬濟甯府。十

五年。移府來治。而徙州治鉅野。尋復故。十六年。升為濟甯路。明

江北運程

卷十九

古

洪武元年。改路為府。十八年。降為州。以州治任城。縣省入屬兗

州府。本朝因之。雍正二年。升為直隸州。領嘉祥鉅野鄆城八年。仍屬

兗州府。乾隆四十一年。仍升為直隸州。領汶上嘉祥魚臺四十年。以汶上還屬兗州。

府割金鄉來屬。領縣三。金鄉嘉祥魚臺圖志。濟甯州衝繁難總督東河部院及

運河道。駐此。有魯橋一鎮。漕運紀程。兗州府運河同知一員。駐

濟甯。轄濟甯州。濟甯衛。魚鉅嘉汶等處河道。共長二百七十五

里零。運河廳冊。兗州府同知一員。所管河道。南自魚臺縣辛莊

橋南交界起。北至汶上縣靳口。甬南交界止。計二百七十五里。

一百八十步。內設文武汛官七員。魚臺主簿一員。濟甯衛南汛外委一員。濟甯州判一員。濟

甯衛管河千總一員。鉅野主簿及嘉祥主簿。歸併一員。汶上縣丞一員。南旺汛分防外委一員。廂官十二員。邢  
廂利建廂南陽廂一員。棗林廂一員。師莊廂。仲淺廂。新廂。一員。  
新店廂一員。石佛廂一員。趙村廂在城廂一員。天井廂并南門  
橋草橋一員。通濟廂一員。寺前廂一員。柳林廂十里廂一員。開河廂一員。袁口廂一員。攔河大廂十八座。

橋二座。共設淺軍橋廂等夫八百四十八名。濟甯衛南北南旺

三汛共河兵一百六十九名。

山東運河備覽先是濟甯甯陽南旺先後設有分司雖兼泉職實司

漕務同知一員受成而已。自分司裁而可知之職斯重。始明正德七年嘉靖中裁而復設。利導節宣實司機要。故運河廳二百

七十五里之河湖既治。卽通省。會叢濟甯州在兗州府西南六

一千二百里之廂漕無不治也。十里州南門外卽運河也。自魚臺縣流入合泗水。又經天井廂

合濟洸二水。經分水廂。入嘉祥縣界。久而淤塞。明永樂中疏鑿。

### 江北運程

#### 卷十九

五

北達臨清衛河。南入徐州黃河。中間七百里。皆曰廂河。置廂凡

十有二。初由徐州達清河入淮。後改由微山湖入八廂出董口

入淮。自董口淤。乃議他徙。濟甯所管河隄。自魚臺縣之界牌淺

至本州之五里淺。長六十八里。自五里淺至鉅野縣之火頭灣

淺。屬濟甯衛。長二十五里。本州淺鋪十有七。東南有泗水。自滋

陽縣入。南入會通河。東北有洸水。自府城至州城東隅。與泗水

合。西有牛頭河。有馬場湖。湖北岸有減水廂。三東隄西埧。以時

蓄洩。東南有蘆溝泉入南陽廂。托基泉入棗林廂。馬陵泉入魯

橋廂。皇朝通志運河。自南旺南流。自蜀山湖隄經嘉祥縣東

北境。又南至濟甯州西北。有府河。卽泗水支流。自兗州府合汶上縣之洸河來會。又東南。泗水來會。一統志濟甯州城。周九里。門四。濠廣四丈五尺。明洪武三年改築。本朝康熙年間修。山東通志濟甯州城。本任城縣治。金濟州。元濟甯路。皆治此。舊土城。明洪武四年。甃以磚石。周九里三十步。高三丈四尺。厚二丈。池闊四丈餘。深一丈五尺。門四。東曰賓陽。西曰近治。南曰會通。北曰拱辰。國朝順治十二年。總河楊方興增置樓櫓敵臺。並城上。翮鳳。太白等樓。方輿紀要任城廢縣。今州治。春秋時任國。戰國時爲齊附庸。孟子居鄒。季任爲任處守。是也。州南通江淮。

江北運程

卷十九

六

北連河濟。控徐邳之津要。扼宋衛之襟喉。在戰國時。蘇秦所云。亢父之險也。自是東方有事。必爭濟州。元人開會通河。而州之形勢益重。察罕復山東。先下濟甯。太祖命將北伐。亦以濟甯爲先務。燕師南下。則遣奇兵破濟甯。而德州崩潰。豈非以饋餉所經。州實關南北之大命哉。漕運紀程。濟甯州。運河在州南門外。方輿紀要。會通河。在州城南。元人所開也。泗水自府城之東折。而西流。洸水自甯陽之北折。而南流。會於州城南。由天井牖入。河以通漕。自州西三里分水牖。北出。至臨清州。南至徐州。久而淤塞。明永樂九年。遣大臣發民夫疏鑿。北達臨清衛河。南入徐。

州黃河中間七百里皆曰牯河。節宣諸山谷泉澗之水。以便轉輸。自州南接魚臺爲牯十有二。而天井魯橋棗林南陽爲最著。天井在城東南二百餘步。洸泗二水交注處也。由牯而東南五十四里曰魯橋牯。又五里曰棗林。又十里曰南陽。入魚臺縣界。轉輸商旅。畢出於此。又月河在州南。會通河之支流也。有上新。中新下新等牯。仍合於會通河。一統志。運河在州境。自兗州府滕縣東南六十里。西北逕魚臺縣東北三十里。折而北。逕濟甯州西三里。與嘉祥縣分界。康熙間。濟甯東岸舊隄圯。廢。河臣靳輔建議。修築。自石佛牯起。至魯橋沙州寺止。又修嘉祥縣尹家

江北運程

卷十九

七

溝石牯以蓄蜀山湖之水。乾隆四年。增築蜀山湖東面馬場湖北面圈隄。十四年。修建濟甯汎董家口滾水坝三十丈。分泗河暴漲之水入蜀山湖。濟運二十七年。因魚臺縣地勢窪下。昭陽蜀山兩湖受水過大。擇辛莊橋土堅之所。建滾水坝二十丈。以洩水勢。濟運由是十八水口宣洩得宜。而上游汶泗諸水咸資輓運矣。按今兗境漕渠所資之水。在沂泗汶洸。兗州府志云。金口之堰。修而泗水盡入於漕。戴村之堰。修而汶水盡入於漕。蓋漕之利。尤在汶與泗也。北河續記。濟甯州判河道。南接魚臺縣界。脾淺起。北接濟甯衛五里淺止。共六十八里。內東岸南自

魯橋北至師莊三里屬鄒縣。濟甯衛管河千總。河道南接濟甯

州五里淺起。北接鉅野縣火頭灣止。共二十五里。行水金鑑。山

東通志。濟甯州河之北岸。西抵東六十八里。置淺鋪二十有七。

趙村淺。楊灣淺。石佛淺。花家淺。新店淺。新船淺。仲家莊淺。師家

莊上淺。師家莊下淺。魯橋淺。棗林淺。硯瓦溝淺。永通淺。夾河淺。

馮翟淺。河長口淺。大河淺。禮義淺。大留淺。夾灣淺。王貴

淺。張家淺。牛頭河淺。王家淺。邢家上淺。邢家淺。談村淺。運河廳

冊。濟甯州管轄州判一員。本管淺夫一百三十三名。半內開除

協濟禹王臺埧夫二名。實存夫一百三十一名。半專司修防。所

管河道計長七十五里。南自魚臺縣交界起。北至濟甯衛交界

止。運河東岸官隄共五十二段。共長九千二百四十七丈。西岸

江北運程

卷十九

七

官隄共五十段。共長一萬一百五十九丈。濟甯衛南汎分防外

委一員。原設千總。乾隆五十一年改爲分防外委。協同濟甯魚

臺二汎修防。並無專汎。本管兵夫八十三名。山東通志。濟甯形

勝翼魯郊而控宋野。環汶水而帶泗流。舟車臨四達之衢。商賈

集五都之市。

唐李白任城縣廳壁記。風姓之後國爲任城。蓋古之秦縣也。

在禹貢則南徐之分。當成周乃東魯之邢。自伯禽至於頃公。

三十三代。遭楚蕩滅。因屬楚焉。炎漢之後。更爲郡縣。隋開皇

三年。廢高平郡。移任城於舊居。邑乃屢遷。井則不改。魯境七

百里。郡有十一縣。任城其衝要。東盤琅邪。西控鉅野。北走厥

國。南馳五鄉。青帝太昊之遺墟。白衣尚書之舊里。土俗古遠。

風流清高。賢良間生。掩映天下。地博厚川。疏朗漢則名王。分

茅魏則天人列土。所以代變。豪侈家傳。文章君子。以才雄自

高小人則鄙樸難治况其城池爽難邑居豐潤香閣倚日凌  
丹霄而欲飛石橋橫波驚彩虹而不去其雄麗塊札有如此  
焉故萬商往來四海絲歷實泉貨之橐籥為英髦之咽喉故  
資大賢以主東道製我美錦不易其人今鄉二十六戶一萬  
三千三百七十一帝擇明德以賀公宰之公温恭克修儼頑  
有立季野備四時之氣土元非百里之才撥煩彌閑割劇無  
滯鎬百發克破於楊葉刀一鼓必合於桑林寬猛相濟弦韋  
適中之一之歲肅而教之二之歲惠而安之三之歲富而樂之  
然後青衿向訓黃髮履禮耒耜就役農無游手之夫杆軸和  
鳴機罕嘖哦之女物不知化陶然自春權豪鋤縱暴之心黠  
吏返清和之性行者讓於道路任者併於輕重扶老攜幼尊  
尊親親千載百年再復魯道非神明博遠孰能契於此乎白  
探奇東蒙竊聽輿論輒記於壁垂之將來俾後賢之操刀知  
賀公之絕跡者也爾披天白文集此記兩言賀公俱不著名  
山東通志載此記末句作俾後賢之操筆知賀知章云未知  
錄自何本 國朝朱澤溥由濟甯至汶河衛河記禹貢紀濟  
會於汶恆衛既從而衛輝之衛不書濟與河上流通而下流  
分爲二者也濟自王莽時不能被河南汶至臨清入衛而不

江北運程

卷十九

承濟河入海於淮衛自爲一河承汶以入海禹之故道盡失  
丁亥秋舟次所經相地高下觀水出入然後知禹之治水因  
地之勢以導水之歸順水之性不貪水之利自張秋北荆門  
阿城臨清地勢高峻惟沙灣卑窪沙灣在張秋之南西承曹  
開東明之水東經博平博興入海則濟之由此地勢也卽水  
性也自德州至文安六七百里卑溼沮洳宜爲眾水所歸觀  
衛河逶迤曲折自趨於海則九河之在此亦地勢也水性也  
昔宋商胡決後當國者競言河宜東南以固國勢元明以降  
導河入淮以濟漕遂使滄瀛一帶僅存衛河又開臨清以南  
數百里高阜之壤通汶入衛是皆貪水之利矣夫因水爲利  
其經營措置未始無數百年之益而不知其失水之性已甚  
然汶之入衛其本性入衛者七由沙灣而東者三猶不沒大  
禹遺意獨不知河之南將合江而止耶吾不得而知也抑有  
時而北耶吾不得而知也 張師載阿爾泰遵查濟甯積水  
疏伏查從前興修水利荷蒙  
方指授臣等遵循辦理開伊家河滾水坝以消微湖異漲是  
以年來上游濱河窪地得以有秋今年濟甯窪地積水一千  
六百二頃零實緣地處下游曹州之荷澤定陶單縣鉅野克

皇上多

聖訓確

州之嘉祥等縣從前溝道未通處均於水利案內挑挖溝渠節節通暢坡水下窪甚疾總歸濟甯之牛頭河衆水匯集兼因伏秋南陽昭陽等湖汶泗各河漲發消洩不及上下相抵致濟甯窪地水勢停蓄其濟甯東岸地畝係最窪之區一經霖潦易於積聚是以運河東岸向設涵洞於霜降開放不誤春耕業於大工善後案內奏明遵行此濟甯積水實在情形也臣等節次查勘堵閉入湖單牘放開引渠涵洞使西岸之水入湖東岸之水入運均已漸次消涸茲遵

聖恩開挖伊家河又奉

特旨於湖口牘北建築滾水坝雖此時荆山橋一路出水無多而伊家河湖口牘滾坝宣洩甚利上年又於湖口牘下奏開引渠以濟江南邳宿之運汛後堵築昨臣等查看積水籌辦消洩復將引渠開放所以湖水消而坡水亦涸但每歲冬月將湖口牘及滾水坝均各堵閉以收湖水查滾水坝基原定一丈二尺五寸二十三年建修時因濟甯尙有未涸之地奏明落

江北運程

卷十九

辛

低二尺五寸以湖水一丈爲度二三四兩年窪地盡涸今湖水尙有一丈三尺餘寸因仍留洩放並請嗣後確遵奏明落低尺寸如果湖水落至一丈始將引渠湖口牘以次堵閉其滾坝既有坝基爲準應永久不開年年照行庶湖水易落坡水迅速入湖不致頂阻停蓄且湖內有此一丈之水儘足濟運卽運河間有稍弱之時仍可開引渠以助之無虞不足此濟甯積水尾閘之關鍵也再積水驟難入湖者皆由湖水收納過多而湖水所以過多者皆因汶水南流太盛每遇伏汛必開西岸十四單牘洩放入湖從前臣張師載會同鶴年奏將南旺分水以上之何家坝落低尺餘並挑挖坝下石頭口支河嗣因支河挑挖通深奏明俟一二年後察看水勢情形再爲辦理年來凡遇伏秋雖將寺前柳林二牘互相啟閉以節南流之勢而汶水無處分洩南流入運仍復不應是何家坝實爲來源要害查該坝寬二十丈高河底一丈應照原議落低尺餘俾汶水漲發先已由滾坝入北運則南旺以南單牘入湖之水可以減少而八里廟新建滾坝儘可分洩入大清河歸海無虞漲漫此又濟甯積水來源之關鍵也臣等確查尾閘既定湖水準則來源又添分減去路自於

江北運程 卷十九

三

濟甯窪地有益至何家坦落低爲費無多卽歸入運河節省八束項下辦理毋庸另請錢糧爾按此奏在乾隆二十五年十一月疏入如所議行 姚立德徐績疏濟甯州爲汶泗府洗牛頭等河水匯歸之區每遇伏秋汛漲易淹民田上年六月間大雨時行河湖坡水並漲自石佛以下勘報成災其被淹處所去冬運河水落飭地方河員設法疏通今自戴村坦驗收挑沙工程於三月初一日至濟甯會同詳勘查南旺湖坐落汶上嘉祥濟甯境內地居上游當汶河之衝每年收蓄汶水入湖濟運湖之圈隄向係民修雍正九年及乾隆十二年動帑幫培已歷二十五載近年雖撥民夫擇要加修無如道里綿長殘缺卑矮甚多湖坡撞激險要堪虞須一律幫築高厚又運河之西有牛頭河上承宋家窪及各州縣坡水下達昭陽湖舊有馬公石橋一座係魚臺縣驛路所經長五百一十八丈橫互南陽昭陽二湖之間下設橋洞僅寬二十三丈牛頭河入湖之水來源甚盛而束其咽喉往往壅滯不特濟甯西坡受淹卽金鄉魚臺亦並波及應多添橋洞加寬十丈並將廣運莊以下河湖淤淺抽溝導引俾上游之水捷趨昭陽湖則濟甯西坡水患可除又運河東有泗河源出泉林至濟甯魯橋入運名爲魯橋派向因泗水下流董家口被衝日刷日深勢難抵禦乾隆十四年卽修建石垣減洩漫水由孟家橋以達獨山湖旁分一股由貫家灣西出興隆橋仍會泗水入運緣坦身過高水因坦阻每遇漲發泗河下游宣洩不及壅滯停淤輒於董家坦上游溢入東坡又甯陽石梁口小腿灣等處汶水漫堰入洗至濟甯城北頂阻府河之水漫滿難容旁溢東坡民田屢淹運河東隄亦受其害現將石梁口等處民堰飭縣堵築將來汶水無慮入洗覈計土方有限不須請動錢糧其董家口地方在當日建垣意非不善惟今昔情形不同泗水南趨轉爲石垣所累自當從長計議與其疏濬舊泗河身紆回道遠土多需費浩大不若拆除董家口石垣展寬孟家橋舊石橋疏濬馬家坡以下入湖尼閣俾水大時直達獨山湖免致旁溢東坡春間水小卽於孟家橋以下築土垣攔截仍由興隆橋濟運事半功倍則泗水有歸濟甯東坡水患可除矣確估修隄疏淤拆展橋垣共需銀二萬三千餘兩請由司庫借動仍於汶上嘉祥濟甯魚臺等州縣分作三年隨同地丁錢糧按徵歸款庶帑不虛懸工收實益掬按此奏在乾隆三十七年 明徐階過任城詩汶上孤



帆遠任城四望開。風流賀監宅寥落。謫仙杯樹色含秋。冷泉  
聲帶雨回金龜。復何在。慷慨有餘哀。金大年濟甯道中詩  
西北風塵擁斷邱。旅魂中夜鬱鄉愁。漢庭未上孫宏閣。濟水  
頻經太白樓。候鳥翩翩迷遠浦。輕帆颯颯帶春流。十年來往  
青袍在。贏得霜華滿鬢秋。顧紹芳任城道中詩。秋草依微  
落照明。川原歷歷總關情。千家網罟魚成市。兩岸蒹蘆水向  
城。白泛鷗羣將棹去。青懸樹色帶帆行。雲邊暗指淮徐近。十  
日遙拚盡旅程。屠隆任城晚眺詩。二月任城花氣寒。登高  
攜酒倚層欄。汀州送目雲帆亂。隴阪驅車雪色殘。尚女春衣  
飄錦帶。王孫夜獵鬪銀鞍。多情太白樓前月。照入金尊萬頃  
寬。殷雲香濟甯詩。太白樓前春水多。南湖春老白蘋波。白  
蘋波上風還雨。欲採芙蓉將奈何。國朝鄧文濟甯舟中詩  
兩岸沙連雪白。一篙水帶雲藍。千里人歸冀北。十分春到江  
南。徐寶善過任城詩。平原千里絕幽探。寂似孤僧坐一龕。  
今日滿船山翠重。輕帆載過任城南。允侗濟甯杜甫南池  
詩。東道恆留滯南池。得偶過清陰。生古木。小雨長新荷。此老  
游不再。今人詩更多。酒樓呼太白。應共爾悲歌。柏春濟甯  
晚發詩。漕渠燈火萬星稠。晝舫笙歌接市樓。畫倚篷窗望明

江北運程

卷十九

月北兵不  
識有揚州

城上有太白酒樓

一統志李白酒樓在濟甯州南城上。唐李白客任城時。縣令賀

知章觴之於此。今樓與當時碑俱存。元著作郎陳儼重修李白

酒樓記。其末有歌曰。公昔去兮乘龍。宵雲氣兮蓬萊宮。襟青霞

兮佩明月。橫四海兮焉窮。濟水兮無波。泰山繚兮鬱嗟。哦。思故

國兮神遊。悅臨風兮浩歌。醉而生兮醉而死。曩孰非兮今孰是。

千鍾百榼兮彼且奚適。操一瓢兮聽其止。擊春風兮折瓊芳。援

北斗兮酌桂漿。浩溟溟兮徒倚以望。歸來歸來兮舉我觴。太白  
集按

太白任城縣廳壁記所云邑宰賀公其名不可考後人遽以賀知章當之誤也據新舊唐書知章未嘗爲任城令倘按獨山東通志載此記末有賀知章字王士徵秦蜀驛程後記濟甯州太白樓下俯漕

河憑高眺遠據一州之勝碑板林立惟唐人李光記大篆最古

碑制六面如幢

倘按李光當是沈光之譌

其左爲二賢祠祀太白賀監其東

有太白浣筆泉阮太傅小滄浪筆談濟甯太白樓在東南城上

下瞰南池其外運河帆檣雲集爲名流讌會必經之處每當夕

陽西下明月東升縱目原野極憑眺之趣壁間吟咏甚多旁有

元人楊桓篆書太白酒樓記按元史本傳桓於中統四年補濟

甯教授召爲太史院校書郎選秘書監丞博覽羣籍尤精篆籀

### 江北運程

#### 卷十九

三

之學此碑篆法道整可見一斑王漁洋秦蜀驛程記謂是大篆乃記載之譌耳

唐沈光李白酒樓記有唐咸通辛巳歲正月壬午吳興沈光過任城題李白酒樓夫觸強者視緬而不發乘險者帖藹而不進潰毒者隱忍而不能就其鍼砭搏猛者持疑而不能盡其膽勇而復視其強者弱之險者夷之毒者甘之猛者柔之信乎酒之作於人也如是翰林李公太白聰明才韻至今爲天下倡首業術匡救天必付之矣致其君如古帝玉進其臣如古藥石揮直刃以血其邪者推義轂以輦其正者豈憑酒而作也悲酒而作者強非眞勇太白旣以峭直矯時之狀不得大用流斥齊魯眼明耳聰恐貽顛踣故狎弄杯觴沈溺麴藥耳一淫雅目混黑白或酒醒神健視銳發振筆著紙乃以聰明移於月露風雲使之涓潔飛動移於草木禽魚使之妍茂軒騰移於邊情閨思使之壯氣激人離情溢目移於幽巖遂谷使之遼歷物外爽人精魄移於車馬弓矢悲憤酣歌使之馳騁決發如睨幽莽而失意放懷盡見窮通焉嗚呼太

江北運程

卷十九

奇

白觸文之強乘文之檢漬文之毒搏文之猛而作狎弄杯觴  
 沈溺麴蘖是真塞其聰翳其明醒則移於賦詠宜乎醉而生  
 醉而死于徐思之使太白疏其聰決其明移於行事強犯時  
 忌其不得醉而生死也當時骨鯁忠赤遞有其人收其逸才  
 萃於太白至於齊魯結構凌雲者何限獨斯樓也廣不踰數  
 席瓦缺椽蠹雖樵兒牧豎過亦指之曰李白嘗醉於此矣  
 劉楚登太白樓記太白酒樓在故濟州今濟甯府南城門上  
 壯麗雄偉四望夷曠有汶泗二水經其前新開河安山湖諸  
 水匯其西冕嶧龜蒙徂徠岱宗諸山復左顧聯絡於東北皆  
 紆青浮白以舒斂出沒於雲煙縹緲之際而齊魯方千里之  
 勝可指顧而見矣樓之規制不知重修何時其與昔之大小  
 高卑殆不可辨意其上下千數百年間其修葺而因仍者殆  
 皆類此耳右階西南上有古石柱高可丈四五觚直而湧蓋  
 其上周圍刻小篆記文者唐沈光之所作也其在左階東南隅  
 有二賢祠記石刻二通蓋昔之州人嘗祀太白與知章賀公  
 於其上者也祠有二賢何舊傳開元中以知章為任城宰而  
 來其來而止也嘗飲於此此樓之所以名也惟李白負奇氣  
 好仙遊其足跡幾半天下凡江漢荆襄吳楚巴蜀與夫秦晉

高宗南

齊魯山水名勝之區亦何所不登眺何日不酣暢而以酒樓  
 名天下有二焉其在洛陽天津橋南董糟邱所造者其事尤  
 奇偉絕卓今其存亡與廢類不可知獨茲樓以沈光記文遂  
 流傳至今豈偶然哉 國朝麟慶南池誌喜圖記濟州古任  
 城太白樓即城南樓也唐賀知章為任城令觴李白於此南  
 池在南門外倚城臨河唐杜甫曾遊識其地後人因之濬池  
 築館並建太白樓少陵祠以伸景仰乾隆三十年  
 巡迴鑿臨幸錫以天章光祿萬丈余駐濟之次日莫我村司  
 馬治具請一攬其勝時運河水正流漸古木寒煙別饒逸致  
 既而風甚圍爐斗室聽談夏秋間空重往來之盛 采劉麟  
 登太白樓詩暇日閒登太白樓樓前洗水漾波流新詩得句  
 揮銀管美酒當筵泛玉甌村落人家分遠近陂塘魚鳥自沈  
 浮何當喚起騎鯨容醉倚天風詠不休 元趙孟頫太白酒  
 樓詩城迴當平野樓高屬暮陰謫仙何俊逸此地昔登臨慷  
 慨空懷古徘徊獨賞心嶧山明眼望百里見遙岑 張養浩  
 濟州登太白樓詩高城蘸雲根聊可慰心跡長風萬里來如  
 對騎鯨容監州好事者樹此樓與石隆鼻好金仙更長謾嗟  
 惜 陳中孚題太白酒樓詩昔聞李太白山東飲酒有酒樓

江北運程

卷十九

五

我今登樓來北風吹髮寒颼颼太白天仙酒人間不可留金  
光絳氣九萬里翩然而上騎赤虵左蹴大江濤右翻黃河流  
手攀北斗招搖柄瓊田倒瀉銀灣秋銀灣吸乾日月液蟾驚  
冤泣黃姑愁太白方悠然掀髯送汀鷗炯如曉霞一點映秋  
水紅痕微湧玉色浮太虛變化如蜉蝣仙今何在不可求惟  
有胸中燦爛五色錦化為元氣包神州我欲起從仙之游安  
得羽翮飛上崑崙邱 宋娶太白酒樓詩我昔在髫年知有  
謫仙人少壯讀所作天才氣凌雲潯陽紫極宮往歲聞佳句  
采石青山頭前月拜荒墓夜宿簷下雲秋弄江上月何如任  
城樓狂飲興豪發况有任城宰具酒復知音酒酣溢入極世  
事徒駸駸內子香閨夢伯禽嬌且嘖人間火宅漫煎逼正是  
玉山傾倒時散披紫綺裘倒著白接離銀臺金馬直一吐方  
瀛絳闕行將去仙之酒杯失遺基樓觀雄垣表暗題詠石榴  
海柏森西東謫仙人今何在汶水浮山暗蒼靄手揮玉鞭騎  
玉鯨應在浮雲九州外仙人魂魄茫茫氛盪望之不見矧可親  
明朝我亦王京去願謁蓬山賀季真 周權謫仙樓詩大羅  
仙人李太白秋水疏蓮浮玉色笑傲玉堂金馬中詩酒猖狂  
天子客飄飄豪氣秋風起登樓曾醉山東市放浪形骸宮錦

袍榮華富貴東流水酒酣揮灑翻河筆險語能令鬼神泣至  
今光燄照塵寰一字堪償雙白璧我來懷古空悽愴風月千  
年尚無恙何時相見崑崙邱汗漫從游九天上 趙文輝太  
白酒樓詩火冷昆明棟宇新笑談應覺半天聞坐邀采石江  
頭月臥看徂徠頂上雲寓意自知非嗜酒傷心誰與共論文  
騎鯨一去無消息雲海茫茫淡夕曛 明劉基李白酒樓詩  
小徑紆行容危樓舍酒星河分泚水碧天倚嶧山青昭代空  
文藻斯人憶斷萍登臨無賀老誰與其忘形 王世貞太白  
酒樓詩昔聞李供奉長嘯獨登樓此地一垂簾高名百代留  
白雲海色曙明月天門秋欲覓重來者潺湲濟水流 梁有  
譽登太白樓詩天寒霜雪繁日沒城上樓樓中謫仙人玉立  
娉清秋金龜換美酒醉脫鸚鵡裘玩弄清玉塵長揖謝王侯  
我來千載後萬壑風颼颼聞昔有丹鳳下與凡鳥儔朝食玉  
山禾夕宿崑崙邱銜圖將獻誰鳴聲鏘鏘琳球始知空田雀飲  
啄徒啁啾營營嗤青蠅楚楚嘆蜉蝣請看黃河水滔滔萬古  
流 屠隆登太白樓詩任城東邊濟水頭重陽南陌鳴鳩  
王孫三五騎紫騮嬌女二八彈箜篌竹葉到手那復留桃花  
向人勸未休高城富貴多王侯駙馬都尉大長秋羅衣朝映

珊瑚鉤寶扇夜上木蘭舟繁華零落隨嵩邱姓名滅沒不可  
求白也一爲脫綺裘任城至今存酒樓當脫磊塊六合收綵  
毫淋漓元氣浮凭闌雙目送汀洲滄溟浩蕩齊州一點如輕  
鷗手持北斗大酌銀河流織女渴死黃姑愁樓中之人去不  
返樓外斜陽又將晚青天碧海無人管繡箔珠簾爲誰捲江  
頭臺花野風荒估客登樓月光滿依舊金樽催玉板使我對  
之心欲斷人生何疾箭何緩奈何不飲仰天塌地成悽惋吾  
聞紀叟善釀埋土灰千秋零落生荒苔日月不照松花開人  
間已銷金雀籠地下仍餘鸚鵡杯白楊颯颯神火來公與何  
人沽夜臺公乎公乎喚不回酒樓愁絕空崔巍莫如忠太  
白樓詩縹緲層樓霄漢隈南城山色鏡中開不知仙馭游何  
處長疑星辰謫上台林杪鶴巢珠樹遍日邊鯨負海濤來秦  
碑魯殿俱銷歇未覺浮名勝酒杯陸深登太白樓詩夜郎  
一去幾千秋尙有任城太白樓身後功名空自好眼前汶泗  
只交流當年狂客心偏戀近代風人誰與儔拍碎闌干呼不  
起月明風細憶神游屠應峻太白樓詩當時不見謫仙人  
城上高樓空復春勢極中原臨岱岳境非吾土異三秦遙鄰  
避世東方朔生有相知賀季眞斗酒狂歌自今古志存刪述

江北運程

卷十九

五

與誰論 酈堯齡太白樓詩謫仙人去已千秋河水依然盡  
日流滿地溼雲生紫閣半天晴雨落滄洲名從白雪空詞苑  
興到青山買酒樓遙憶賀公能醉容齊名二老至今留國  
朝汪琬李太白酒樓歌在城酒樓高插天樓東桃樹非昔年  
騎鯨仙人不知處在客還歸四明路誰能醉臥胡姬盧惟見  
春風拂花絮我作東門游攜尊樓上頭可憐魯酒薄無復蘭  
陵勢借問當時造酒者何如紀叟董糟邱堯祠遺跡空荒荆  
遠望徂徠何限情放歌一曲下樓去汶水東流日夕聲王  
士徵雨中登太白樓詩開元陳跡去悠悠猶有城南舊酒樓  
吳語曾呼狂太白洛陽何必董糟邱龜鳧綠紗窗沒汶酒  
蒼茫繞檻流眼底無人具賓主任城煙雨可憐秋葉觀國  
太白酒樓詩采石騎鯨竟不還酒樓遺跡尙人間平生知己  
鏡湖容憔悴同時飯顛山紫闥終難迴白日丹砂那解駐朱  
顏空餘千古詩名在金薤琳瑯照九寰許喬林晚登任城  
太白樓詩繩河欲流天似洗一丸古月風吹起天寶開元須  
臾耳蒼然暮色橫郭樓鷗鷺爭作南池秋魯酒不洵難澆愁  
誰解金龜償酒債來踏青蓮花世界百尺樓頭且一拜此樓  
俯瞰運河隈過客誰眞冠古才玉京芙蓉招不來飛下丹梯

學鸞吹清露滿身縱歸轡天上酒星應早醉黃秩林雨後  
登太白樓詩傑構俯城隈高秋躡展來蒼涼風姓國突兀滴  
仙才遠嶠停飛雨浮雲落酒杯千年臨眺地戶牖爲誰開  
季鉉登太白樓望南池詩聖詩仙筆不羣供吟風月此間  
分城陰低鎖南池柳檻影平披東嶽雲在代壺觴昔古蹟近  
時賓主竟虛聞偏驚物候天涯客多少閒愁對夕曛顧大  
申飲太白酒樓醉後走筆成篇嗚呼太白爾何遊應在飄飄  
碧落之倒景芙蓉白玉之仙樓乘雲抱氣躡箕斗驂螭挹漢  
騎長虬世人卽之杳難求但見朱軒繡綉環城頭岱宗歷歷  
青撲面黃河西來淨如練七十二君等飛電地老天荒出酒  
人狂歌直與天爲鄰上殿捉筆力士噴背負鹽鼎誰相存就  
中賞音賀季眞獨抱麴蘗看浮雲登樓日醉忘其身西風野  
火衰草死由來豪貴盡如此我今把盞揖君起相與酌酒問  
濟水古今醉醒那終始何不高步窮紫煙摘取列星當酒錢  
斟酌海水常不乾開襟痛飲樓之巔醉呼黃鶴迴青天張  
維屏太白樓詩招得青天月來登太白樓南池通一水勝迹  
共千秋李杜不可作山川終古留新涼如有約白露滿汀洲  
方濬頤涉上登太白樓望南池詩李杜才名千載傳詩中

江北運程

卷十九

毛

之聖酒中仙一生飄泊風塵內青山綠水空流連長安市上  
不敢眠草堂未暇營西川那期先後停芳躅至今豔說任城  
邊我來登樓拜遺像騎鯨人已升九天光陰過客恍如昨誰  
敵當年賓主賢俯看臺榭煙霏聚泥金高榜南池古丈八溝  
同皇子陔勝境留題紛可數吟成五字晚涼天已令名區煥  
茲土吾謂二公當年偶然寄歌嘯一樓一池遂有主不然雲  
煙過眼卽陳迹安得人人知賀詩酒英豪何處尋蒼茫四  
顧消塵襟龜鳧迢遞排遠岑汶泗繚繞通煙濤山光水色無  
古今前賢異代皆知音再來有約會須踐浣筆泉畔添新吟  
東國才名稱六逸南城飲興已千秋同龕賀監青騰醉  
投老崔駟汗漫游鄰近杜陵池館在晚涼洗馬娘風流  
一分濟  
河天井牖甯

漕運紀程天井牖元至治初建偷按運河備覽至治元年建全  
河備考原名中牖又名會源

在在城牖西北一里本名會源牖洸泗交流元人於此分水故

名。牖下月河一道。牖官一員。牖夫三十三名。牖上有二橋。曰南門橋。設夫十四名。曰草橋。設夫十名。溜夫二十七名。運河廳冊。天井牖一座。金門口寬二丈五寸。砌石十五層。高一丈八尺。元至正二年建。乾隆十九年重修。嘉慶十八年拆修。牖夫三十三名。以上牖一座。橋二座。牖官一員。專司啟閉。東岸天井牖上起。至禹王廟前止。石工一段。長三十丈七尺。原高六尺。乾隆二十四年建修。係用片石疊砌。牖下接連雁翅起裏石工一段。長二十三丈。砌石七層。高八尺四寸。乾隆二十四年建修。三官廟前。徐家藥鋪門前裏石工一段。長三十一丈。砌石七層。高八尺四

江北運程

卷十九

三

寸。乾隆二十四年建修。西岸天井牖下大石工一段。長一百三十丈。砌石十層。高一丈二尺。係乾隆十八年建修。二十五年補修。全漕運道圖濟甯州天井牖。已亥向。鉅野縣通濟牖至此三十里。四省運河圖說。此牖啟板。在城牖宜下板。居濟一得。天井牖亦視南陽一帶水之大小。如南陽一帶水大。則將天井牖以上。如南旺之十字河先行堵閉。如水仍大。則五里營牖十里鋪牖及安居牖酌量堵閉。務使水不甚大。而後已。如南陽一帶水小。則將安居牖十里鋪牖及五里營牖酌量開通。如再不足用。然後將南旺之十字河開通。若蜀山湖之利運牖。則斷斷不可。

開者也。往年天井牐水勢甚溜。每過一船。需夫四五百名。一日過船不過一二十隻。至多不過三四十隻。以致在城牐下糧船積聚至數百隻。或千餘隻。皆因在城牐祇下板十二塊。天井牐板一啟。水勢建瓴而下。在城牐之洩水既多。不獨天井牐糧船難過。而曹井橋及安居一帶。在淺阻。又不思咎。由於在城牐之下板太少。反歸咎於上源之來水太微。則又開蜀山湖之利。運牐以助之。利運牐一開。獨山湖南陽湖與運河一派汪洋。河湖莫辨。由是濟甯南鄉及魚臺沛縣徐州俱淹沒矣。予在天井牐。催船見水勢甚溜。一船需夫數百名。繚挽呼號之聲不絕。船

### 江北運程

### 卷十九

完

過維艱。且天井牐船未過完。曹井安居一帶。又報淺阻矣。予詢之。咸曰。非開利運牐。船不能進。予曰。利運牐必不可開。乃令在城牐增板一二塊。水勢仍溜。又增至三四塊。水勢稍平。更增至五六塊。連前共十八塊。水勢悉平。天井牐過一船。不過需夫三五名而已。且船未過完。曹井安居一帶糧船俱已行動。嗣後天井牐一日一夜過船二百八十餘隻。而糧船乃不知有天井牐之難過矣。按此牐舊例。下板十五塊。此定制也。板不全。則上源必致淺阻。牐官宜常稽查牐牌。同知州判亦宜常稽查牐官。蓋牐夫利於少。少下一塊。則少啟一塊。此好逸惡勞之常也。



若聞牖上一帶水淺。必此牖下板未足之故。急宜查考加板。則上源永無淺阻之虞矣。至於此牖之船。必須隨到隨放。不可稍遲。以致濟甯以南之船壅滯。此牖放四五次。通濟牖始可放一次。若此牖水小不能放船。卽令通濟牖放船。則此牖有水矣。然又不專恃通濟牖上之水。須馬場湖水常滿。或開安居牖。或開十里鋪牖。水自足用。若長溝建牖。則止開長溝牖。十里鋪安居牖。俱可不開。恂按萬里雲程以此爲第二十八牖。轉漕衡湘筆記。壬子十月二十五日曉起過天井牖。東岸有太白樓。濟甯南城樓也。白客任城時。縣令賀知章觴之於此。明史河渠志。自汶

江北運程

卷十九

三

上南旺分流。北經張秋。至臨清。會衛河。南至濟甯。天井牖會泗沂。洸三水者。汶水也。明副書泗河源出泗水縣陪尾山。四泉並發。西流至兗州府城東。又南流。經橫河。與沂水合。元時於兗州東門外五里金口作埧建牖。遏泗之南趨。國朝因而修築。夏秋水長。則啟牖。放使南流。會沂水。由堍里河出師家莊牖。冬春水微。則閉牖。令由黑風口東經兗城入濟。又南流。會洸水。至濟甯。出天井牖。沂河源出曲阜縣尼山西南。分流爲二。一西流至金口埧上。卽與泗會。一南流亦與泗會。出堍里河。又有出沂水縣艾山者。會蒙陰沂水諸泉。與沂山之汶合流。至邳州入淮。洸河。

乃汶水之支流。出甯陽縣北三十里。堽城西南流。又循縣南流三十里。會甯陽諸泉。又六十里。經濟甯城東。與泗合。出天井牖河。運河廳冊。府河一道。卽泗河支流。由兗州府東關黑風口經府城西流。至濟甯州城。西入馬場湖。濟運。泲河一道。係汶河支流。會甯陽諸泉。至濟甯州城。北會府河。入馬場湖。濟運。漕運。則例。纂泗河。源出泗水縣東陪尾山。四泉並發。故名泗水。循西流。過下莊城。始合爲一。又西流。至兗州府城。東轉南流。經橫河與沂水合。元導之以濟運。乃於兗州府東門外作金口牖。過令東入府城。又轉南流。爲泲河。以入濟甯天井牖。明時增修牖洞。夏秋水潦。開牖洩水。南流會沂水。由港里河入師家莊牖。河冬春水微。閉牖。過水從府城出。濟甯入漕。沂河源有二。其一出曲阜縣尼山西南。流與泗水合。分爲二股。一西流。金口牖入天井。一南流。會泗水下師家莊牖。河。其一出沂水縣會蒙陰沂水諸泉。合流至邳州入淮。當泲河未開之先。邳州運道惟沂水是賴。自泲河開。而邳州之沂遂導由駱馬湖出。董陳二溝以入於黃焉。自竹絡埭堵後。駱馬湖水係由永濟橋入。南北六塘河。經鹽河。從武障東門等引河入海。泲河本汶河南出之支流。出甯陽縣堽城埭。自埭下西南。會諸泉水。經滋陽。入濟甯州。至泲河口。會

泗水。遼州之城北。經夏口橋。分爲二支。北支入馬場湖。南支由會通橋入運河。洸河記。元初於剛城左作斗門。引汶水入泗。於是洸流始盛。至元二十年。會通河開。北自奉符爲牖。以導汶水。盡入於洸。東會泗水。出於任城之會源牖而始分。倘按任城今濟甯州會源牖。卽天井牖。明永樂九年。築剛城垣。遏汶水不使分流入洸。洸流始微。成化十一年。主事張盛復爲剛城石牖。稍分汶水支流以入。

洸。嘉靖六年。主事吳鵬因洸水久涸。乃於城西導柳泉橫過洸河。東西各立一牖。洸水泛漲。則閉牖以防其決。河水淺涸。則啟牖以達其流。南會蛇眼諸泉。流經滋陽。於是洸水入漕之流不絕。漕運則例纂汶河有數源。一出新泰縣宮山之下。曰小汶河。

江北運程

卷十九

一出泰安州仙臺嶺。一出萊蕪縣寨子村。一出萊蕪縣原山。俱至靜封鎮。合流曰大汶河。遶出徂徠山之陽。而小汶來會。至甯陽西北。分而爲二。其一爲元朝所改。由堽城南流。別爲洸水。其一由堽城西流。會坎河諸泉。入大清河。由東阿而北。至利津入海。此故道也。明永樂中。開會通河。乃於甯陽之北。築堽城垣。阻汶入洸。於東平州坎河之西。築戴村垣。阻汶會濟。使全流盡入汶。上城北二十五里。受濼瀧諸泉。謂之魯溝。又西南流。會草橋。

河。白馬河。鷺河。黑馬溝。至南旺。入於漕。以濟運道。倘按汶水至南旺入漕詳

卷十六 轉漕衡湘筆記 張文端有五水濟運圖說 五水者 汶泗

沂沭濟也 楊勤懋泗沂沭汶考語多本此 獨不及濟 茲錄文端

說補之 濟水源出王屋山 伏見不常 其流遂分南北 汶合北濟

故道以入海 而元時自安民山開河 由壽張北至臨清 謂之引

汶 絕濟迨明初 過汶全流從南旺分水 屈曲西北達臨清 爲運

道 直奪大小清河東北出海 故道卽所謂北濟也 泗合南濟故

道以入淮 元時於堽城之左作斗門 過汶南流 至任城 謂之引

汶入濟 迨明初 過汶諸流 別從金口東穿兗州府城西 納闕黨

等泉 至濟甯城東 會沭流入天井 牖今府城會河 俗謂之府河

### 江北運程

### 卷十九

三

亦謂之濟河 是闕黨諸泉卽濟水復見之源 濟甯現行漕河 左

右渠流 皆所謂泗合入淮之南濟也 諸泉之由濟入運者 在北

則有汶上西北濼淄蒲灣諸水 在南則有滋陽之闕黨等泉 文

端又言汶有五出 萊蕪者居四 一柴汶 在泰山之旁 別屬泰安

州 徇按州今升府 源發仙臺嶺 流至靜封鎮 合萊蕪原山寨子諸汶 合

流名爲大汶 亦名甄汶 合沭汶牟汶 羸汶 皆在萊蕪 三汶亦名四汶

合新泰縣小汶 而五汶源流之分 合具矣 張公奏議 元改任城

爲濟州 開會通河 導汶泗以會其源 置牖以分其流 南自濟甯

至沽頭 地降百十有六尺 爲牖九 南入於河 曰分水 曰天井 曰

在城曰趙村曰石佛曰新店曰帥循按別本俱作師下同家莊曰棗林曰

南陽其北至奉符爲牖以接汶水曰堰城東北至兗州爲牖以

節泗水自北而南曰金口出魯橋自東而西曰黑風口由府河

以出會源牖會源卽天井牖也此未開會通以前所建西北自

安民山入於新河至臨清地降九十尺爲牖十六以達於漳河

曰戴家廟曰荆門上曰荆門下曰阿城上曰阿城下曰七級上

曰七級下曰周家店曰李海務曰通濟曰永通曰梁家鄉曰土

橋曰戴家灣曰新開上曰南版此旣開會通以後所建皆在至

元大德延祐之間至元中又於金口牖南建減水牖曰沂河引

### 江北運程

#### 卷十九

五

沂入泗又建一牖於兗州之西十里曰土裏建一牖於兗州之

西三十里曰杏林節泗沂之西流者受闕黨諸泉謂之府河亦

謂之濟河西流自天井牖又於濟甯東北四十里建牖曰吳泰

曰宮村以接汶水又於馬驛北建牖曰減水以殺洸水大德間

又於南陽之南建一牖曰孟陽泊以通江淮至正間又於新店

帥莊二牖之間建一牖曰黃棟循按山東通志作棟林新牖至順間循按此三

字據全河備考別本增入第至順爲文宗年號在順帝至正以前又於孟陽泊南建一牖曰穀

亭匯黃良艾河等泉以厚水勢合觀所建埧牖元人之於會通

一河計已周矣而南旺一帶止於至正間建開河一牖其他未

及講也。明初用兵梁晉。大將軍徐達於濟甯西二十里耐牢坡口建一牖。曰永通。從牛頭河以達魚臺之塌場口。出穀亭運道。迨永樂間。宋禮浚會通河。開袁家口至沙灣之二十里。用老人白英計。移堞城垣於青川驛。又築垣於東平州之戴村。橫遏汶水全流。南出汶上之南旺分水。於是成化間於分水口南建一牖。曰南旺上。於分水口北建一牖。曰南旺下。三年大挑以疏其淤塞。又於牖之左右各建減水牖。一名曰斗門。一通馬踏湖。一通蜀山湖。平時則斗門盡閉。中牖常開。放水入運。一遇洪水。則斗門盡啟。中牖下板。沙泥盡隨斗門入湖。大挑始爲省力。又於

江北運程

卷十九

五

濟甯在城天井二牖南。穿月河四里許。益以牖曰上新。曰下新。上下之間更建一牖。曰中新。於帥莊牖北增一牖。曰仲家淺。於帥莊牖南增一牖。曰魯橋。魯橋帥莊之間復建一小牖。曰堽里。橫遏泗水入漕。自濟甯北至鉅野境。築石隄十二里。自鉅野北至嘉祥境。亦築石隄十里。南旺西湖始砌石隄。並建新家口安山沙灣高口諸牖。又修沙灣以北元人所建十六牖。又於廣濟渠口築石隄二道。自大感應廟起。至沙灣。長一百六十丈。自沙灣起。至荆門驛。長一千九百三丈。又於永通牖南增建三牖。曰永通下。曰廣運。曰廣運上。又築濟甯西蓬子山垣。濟甯趙村月

河石埧。又於孟陽泊牐。南建一牐。曰八里灣。修天井以南諸牐。又於甯陽縣西四里洸河兩涯引柳泉之水。橫過洸河。東西立牐。曰洸河東西。水漲則閉牐以防其淤。水涸則啟牐以達其流。又於堽城石堰上流建一牐。曰堽城新牐。自永樂至嘉靖初。北至臨清。南至穀亭。或埧或牐或堰或隄。歲有修建。會通一河。得以無阻。而曹單屢決。南衝穀亭。漕渠淤塞。嘉靖四十五年。自南陽至留城。開新河以避穀亭之淤。建牐八。曰利建。曰珠梅。曰楊莊。曰夏鎮。曰滿家。曰西柳莊。曰馬家橋。曰留城。接舊河。自留城南至鎮口。又建牐五。曰黃家。曰梁境。曰內華。曰古洪。曰鎮口。又

江北運程

卷十九

亥

減水牐二十。開月河於牐之旁者六。爲土若石之埧。十有二。築兩涯土隄五十三里。石隄三十里。又於內華牐築伊家林橫隄。於戴家山築戴家山橫隄。鑿支河入築。夾隄六千三百四十餘丈。又築獨山湖北岸石隄三十餘里。各留口引水入運。建減水牐十四座。大者二。各三洞。小者十有二。建南陽埧以障獨山之流。開回回墓支河以引昭陽之水。又於濟甯之北建通濟牐。建小河口減水牐六。築馮家滾水埧。修長溝。獲麟古渡。又於戴村之東築坎河口石埧。以遏汶水入海之路。使水大則漫而西。出漕不至溢。水小則順流而南。漕不至涸。又開南旺上下月河。

各建大牖。大挑時。汶河及上下二牖各築土埧。於此通舟。又建五里鋪滾水石埧。以備運河水大洩入西湖。又修南旺湖漕渠長隄。築西湖缺口。加築舊隄一萬二千餘丈。添築東西子隄一千二百餘丈。築蜀山湖東隄蓄水濟運。築長溝減水二牖。以備蜀山水大洩入馬場湖。又築馬踏湖土隄三千二百餘丈。自嘉靖末至萬曆中。北自臨清。南至鎮口。或埧或牖或堰或隄。亦歲有修建。新舊運河。僅能通漕。而地逼於黃。每足爲害。萬曆三十四年。又自李家港口至黃林莊。牖開泇河。以避鎮口之淤。並避徐呂二洪之險。建韓莊德勝張莊萬年丁廟頓莊侯遷臺莊。

江北運程

卷十九

三

等八牖。又建彭家口之三洞牖。郗山之減水牖。韓莊之湖口牖。以備旱潦蓄洩濟運。又築韓莊湖護牖石隄一道。築朱姬莊至韓莊緯道隄十八里。以障郗山韓莊諸湖之水。又築彭家口埧。以遏許由三山龍灣諸泉之由彭口出者。築拖泥溝埧。以遏許池滄浪諸泉之由大泛口出者。築滿埧。以遏河水之由滿牖河洩者。築呂埧。以遏河水之由李家口河洩者。自元至元迄明萬曆開泇工成之日。建築埧牖堰隄。奚止數百。而一舉一廢。要必於漕運有關。表而出之。以見古人用意之周云。河渠紀聞。乾隆十九年。修天井牖。以節上源蓄水利運。按天井牖。卽會源牖也。



牕有上中下。天井爲中牕。在城爲下牕。分水廢牕爲上牕。舸舶鱗集。天井在城。二牕不能容。穿月河分行。縱橫形若十字。月河牕有三。曰下新。中新。上新。即天井之月河。下新即在城之月河。中建一牕。曰中新。移上下口。差遠於會通河。視水盈縮而閉縱之。水行不涸。牕建於元至治元年。歲久損壞。加功拆修。金門寬二丈九寸。高丈八尺。功成堅緻如舊。元揭傒斯修會源牕記云。濟州臨齊魯之交。據燕吳之衝。導汶泗以會其源。置牕以分其流。西至安民山入於新河。逮於臨清。地降九十尺。爲牕十六。以達於漳。南至沽頭。地降百十有六尺。爲牕十。又南入於河。

江北運程

卷十九

三

北至奉符爲牕一。以節汶水。東北至兗州爲牕一。以節泗水。而會源牕制於其中。年久攻弛。牕碣傾拆。裂水下峻。怒狼悍。歲數壞舟楫。土崩石泐。炭不可持。乃度工。即功伐石。區里之山。轉木淮海之濱。導水東行。竭其上下。而竭其中。撤故牕。夷坳澗。貫以長松。實以白灰。縱橫皆有尺度。爲墉爲門。敵水之奔突。震蕩外爲石防。敵水之洄洑。衝薄爰琢爰甃。犬牙相入。苴以白麻。固以石膠。關以勁鐵。冠以飛梁。自春徂夏。以時訖功。蓋天井爲南運之一大關鍵。而慎修如此。全河備考云。泗沂西下。夾流而南出。泗水曲阜。滋陽。甯陽。會汶與洸。以入元人。所謂會源牕者。爲天

井派濟甯北高南下。故水南行易。北行難。天井地高。在城地下。兩牖啟閉。須互爲照應。居濟一得云。天井牖向用板十五。宜令全下。使水常蓄在牖上。如天井牖啟板。在城牖須下全板。始足蓄水。下板或少。則水洩無餘。如下流水少。量啟一二。足用而止。不可過洩。牖官牖夫貪逸。惟利少下一板。卽少啟一板。不知天井板不全下。牖上一帶卽形淺澀。此南運通塞所關。自元以來。皆重之。一統志漕河神祠。在濟甯州城南天井牖上。卽分水口也。本名禹王廟。明正德中更今名。山東運河備覽全河備考。天井牖南雁翅底有古井一。發相傳爲唐時尉遲敬德所創。按舊

### 江北運程

#### 卷十九

三

說唐武德中尉遲恭鎮盧龍。穿渠於濟以通漕。故牖底尚有唐武德七年尉遲敬德建石刻。考武德七年敬德方隨太宗於幽州備突厥。無鎮盧龍事。牖上爲觀瀾橋。洸泗二水所經。今已淤廢。全河備考。泗沂西下。交流而南。出泗水曲阜滋陽甯陽。會汶與洸。以入元人所謂會源牖者。爲天井派。按方輿紀要。泗水自府城東折而西流。洸水自甯陽北折而南流。會於州城南。由天井入河。自州西三里分水牖。北出至臨清。南至徐州。分水牖元人謂之上牖。今廢。

井元揭傒斯修濟甯州會源牖記皇帝元年夏六月。都水丞張侯改作濟州會源牖。成明年春二月。具功狀。遣其屬孟思敬

江北運程

卷十九

罕

至京師請文勒石惟我元受命定鼎幽薊經國體民綏和四海辨方物以定貢賦穿河渠以逸漕度乃改任城爲濟州以臨齊魯之交據燕吳之衝導汶泗以會其源置牐以分其流西北至安民山入於新河逮於臨清地降九十尺爲牐十六以達於漳南至沽頭地降百十有六尺爲牐十又南入於河北至奉符爲牐一以節汶水東北至兗州爲牐一以節泗水而會源牐制於其中歲久政弛漕度用弗時先皇帝以爲憂延祐六年冬詔以侯分治東阿始修復舊政南疏北導靡所甯處明年冬以及期請代弗許行視濟牐峻怒狼悍歲數壞舟楫土崩石泐炭不可持乃伐石區里之山轉木淮海之濱度工卽功明年皇帝建元至治三月甲戌朔侯朝至於河上率徒相宜導水東行竭其上下而竭其中以諸眾林撤故牐夷坳濞徙其南二十尺降七尺以爲基下錯植巨栗如列星貫以長松實以白灰概視其地無有罅漏衡五十尺縱百六十尺入分其縱四爲門縱遜其南之三北之一以敵水之奔突震蕩五分其衡二爲門容折其三以爲兩塘四分其容去其一以爲門崇廉其中而翼其外以附於防三分門縱間於北之二以爲門中央樹石鑿以納懸板五分門縱去其一以爲鑿崇翼之外更爲石防以禦水之洄洑衝薄縱皆三百三十尺爰琢爰鶩犬牙相入直以白麻固以石膠關以勁鐵冠以飛梁越六月十有三日乙卯訖功大會羣屬宴於河上以落之工徒咸在旄倪四集酒舉樂作揮牐決竭艤櫂啟鑰水平舟行伐鼓懽呼稱功頌德雷動雲合且拜曰惟聖天子繼志述事不易任以成厥功惟億萬年享天之依是役也以工詐石工百六十人木工千人金工五人土工五人徒千四百二十人以材計木萬一百四十有一石五千一百二十有八其廣厚皆倍於舊甃二億一千二百有五十以斤詐鐵二萬五千五百麻二千三百石之灰三億二萬三百三十有四以石計粟千二百有五十視他牐三之視故牐倍之其出於縣官者鐵若麻十之七石五之一粟五之三餘一以便宜調度不以煩民初侯至之明年凡河之隘者闢壅者濬決者塞拔藻荇禁芻牧隆其防而廣其址修其石之岩隄穿漏者築其壤之疏惡者延衰贏七百里防之外增爲長隄以開暴漲而河以安流潛爲石竇以納積潦而瀕河三郡之田民皆得耕種又募民采馬蘭之實種之新河兩涯以錮積沙北自臨清南至彭城東至陪尾絕者通之鬱者漸之爲杠九十有八爲

梁五十有八而挽舟之道無不夷矣乃建分司及會源石佛師莊三廂之署以嚴官守樹河伯龍神祠入故都水少監馬之貞兵部尚書李粵魯赤中書斷事忙速祠三以迎休報勞凡河之所經命藏冰以待渴者種樹以待休者遇流殍則男女異瘞之餓者爲粥以食之死而藏饑而活者歲數千人是以上知其忠下信其令用克果於茲役然古者三載考績三考黜陟幽明故人才得以自見向使侯竟代去雖懷極忠甚智無能究於其職是則侯之遇也惟此廂地最要役最大馬氏之後侯之功爲最盛故詳於是碑以告後之人侯名仲仁河南人其辭曰昔在至元惟忠武王自南還歸請開河渠自魯涉齊以達京師河渠旣成四海率從萬世是資朝帆夕樯垂四十年孰慢而驟翼張侯受命仁宗號令風馳徵工發徒旣滌旣疏濟插攸基先雞而興旣星而休觸冒炎曦疾者藥之死者榘之奚有渴饑拊循勞徠信賞必罰勿亟勿遲十旬之間遙績於成知罔或遺洋洋河流中有行舟若遵大達舳艫相銜罔敢後先亦罔敢稽賢王才侯自北自南顧盼咨嗟曰惟京師爲天下本本隆則固惟帝世祖旣有南土河渠是務四方之共於千萬里如出跬步聖繼明承命官選材惟

江北運程

卷十九

聖

侯之遇昔者舟行日不數里今以百數昔者舟行歲不數萬今以億慮惟公乃明惟勇乃成惟廉則恕汶泗之會有截其廂有苑其樹功在國家名在天下永世是祐倘按粵魯赤粵當從史作奧國朝李亨特請修天井廂疏濬運河道洪範詳稱濟甯州汎天井廂建自元至正二年我朝乾隆十九年拆修加高迄今五十九載歷年久遠底椿朽腐牆石酥損金門兩岸由身轉角上下雁翅裏頭全行皸裂廂底掀動槽石破碎通身滲漏難以下板擊蓄必須徹底拆修東岸上雁翅短小所有接連土工因歷年汎水汕刷窄狹不堪通緯應接砌石裏頭四丈又濟甯南門外爲糧運行緯要道向設板工兼通行旅易致損壞應改建石工二十丈以通道路而垂永久再修廂例應上下估築攔河大埧厚水清底並挑月河道河等處長八百七十七丈久經淤墊河身高仰亟應挑空俾資宣洩經該道委估工料方例價銀一萬二千六百四十三兩二錢二分一釐幫價銀四千五百三十二兩七分五釐請動司庫銀兩辦理舊石選用十分之四內二成作爲正廂搭配裏石之需餘二成湊砌裏頭及南門外石工合併聲

明具詳請奏臣查天井牐係牐河適中扼要關鍵上承汝河來源及蜀山馬場等湖之水地勢建瓴非牐座堅固板塊嚴密無以重啟閉而資宣蓄臣親勘該牐實已通身損壞必須徹底重修所估工料銀兩確覈無浮并應購料運集河干俟回空過竣卽行興辦以期不誤來年新漕俞按此奏在嘉慶十八年七月時任東河嗣於十九年九月初六日總河吳敬副總河李鴻賓奏報閏二月完工

一里三分濟南河在城牐

漕運紀程在城牐元大德中建俞按運河備覽大德七年建據俞時中任城東牐記應爲任城

牐今稱在城乃俗呼之詭全河備考原名下牐在趙村牐西北三里有月河一道東岸

有通心橋牐官一員牐夫二十九名溜夫二十六名運河廳冊

在城牐一座金門口寬二丈八寸原高二丈一尺六寸元至正

### 江北運程 卷十九

壘

二十一年建乾隆二十三年加高嘉慶二十二年拆修加高二層共高二丈牐夫二十九名越河一道長八百七十八丈東岸

在城牐上二鋪頭裏石工一段長十三丈砌石十層高一丈二

尺乾隆二十九年建牐上接雁翅石工一段原長十六丈乾隆

二十五年修做裏石四十五年坍塌十二丈改建面石嘉慶二

十二年相度情形一律改建面石十五層高一丈八尺牐下接

雁翅裏石工一段長九丈砌石七層高八尺四寸乾隆二十四

年建修通心橋南裏石工一段長九十六丈砌石七層高八尺

四寸乾隆二十四年建修四十九年拆修在城牐下太平街口

河面防風埽工一段。長三十丈。寬九尺。高八尺。新挑口南河面防風埽工一段。長十六丈。寬九尺。高八尺。西岸在城牖上接雁翅舊有裏石工一段。長五十五丈。高八尺四寸。乾隆二十四年。建修。四十五年補修。查該工係重運提溜上牖挽拽要區。每遇汛漲。急溜淘刷。根底空虛。致將南頭緊接雁翅坍塌。工長十三丈。若照舊式補修。難以經久。須改建面石。加高四層。方與牖下雁翅一律相平。改建面石工一段。長十三丈。砌石十一層。高一丈三尺二寸。嘉慶二十二年建修。在城牖下大生堂門前起。北至白姓門前止。舊有柴工一段。長十五丈。乾隆二十六年改建。

江北運程

卷十九

壘

裏石。四十五年補修。查該工崖高陡峻。重運糧船。經臨僂窩上牖要區。經歷年久。每遇汛漲。急溜淘刷。根底空虛。通身坍塌。改建面石。加高三層。方與牖下雁翅一律順勢平坦。又該工南頭接連礮岸土工。每因漲水汕刷。現甚窄狹。須接礮岸長五丈。亦改面石。共改建面石工一段。長二十丈。砌石十三層。高一丈五尺六寸。嘉慶二十二年建修。全漕運道圖。濟甯在城牖。己亥向自天井牖至此。一里三分。四省運河圖說。在城牖下板十八塊。此牖低。天井牖高。居濟一得在城牖。舊例下板十八塊。始足蓄水。蓋天井牖高。此牖最下。若下板或少。則水一洩無餘。此牖最

關緊要。其稽查之勤。宜倍於天井牖。始足以關住上源之水。不至下洩。此南運之一大關鍵也。其放船之法。亦宜隨到隨放。則濟甯以南之船。不致壅積。然此塘之船。須儘塘灌放。庶水不多洩。而上源亦免淺阻之患。又此牖啟閉。視南陽一帶水之大小。如南陽一帶水大。則將在城牖板少啟。在城牖下積船一百二十。三十隻足滿一塘。然後啟板灌塘。則水之所洩必少。而南陽一帶不患乎水大矣。如南陽一帶水小。需水甚急。則在城牖啟板宜勤。到一幫卽過一幫。不拘船數多少。則水之所洩必多。而南陽一帶不患乎水小矣。總之下用水則宜洩於下。下不用水則

江北運程

卷十九

器

蓄於上。務斟酌得宜。乃爲盡善。

山東運河備覽按視下流水勢之大小以定此牖啟閉之疏密

是矣。然亦須度上下塘船隻之多寡。方爲合宜。如上塘打船會牌未至下塘。船已陸續抵牖。固可積至一百二十隻。然後啟板。如上塘無船會牌。已至下塘。船少僅到一二幫。止數十隻。亦豈能留前等後。不卽啟板。如慮南陽一帶水大。只可將利建邢莊珠梅等牖。啟板宣洩。水小卽將利建邢莊珠梅等牖。嚴板擊蓄。不專恃此牖。啟板得法也。又

在城牖地勢甚低。其牖背亦低。故不能多下板塊。不能多下板塊。卽不能關

住上源之水。宜將此牖背再接高五尺。則板可多下。或下二十

塊。或下二十二塊。則上源水有所關。而不至於過洩矣。蓋前言

下板十八塊者。以牖背太低。不能多下故也。非謂十八塊足以

關水也。行水金鑑。趙村西北三里。曰在城。元大德中建。又西北

一里曰天井。其西南卽分水矣。諸牖毘連。不過一二三里。何在城地勢之低若此。河渠紀聞乾隆三十三年。吳嗣爵由淮徐道擢任東河。修濟甯州在城牖。及牖下趙村石佛二牖。以資節宣。按濟甯地勢北高南下。自分水至濟之天井牖。水高三丈有奇。牖下里餘。卽在城牖。地勢愈低。水勢建瓴直注。立在城牖以關上源之水。使不下洩。視下流水勢大小。以定此牖啟閉。南運之一大關鍵也。在城與天井互相節宣。而牖下趙村石佛二牖亦應有節。歲修殘缺。使俱堅實。以便啟閉。在城金門寬二丈八寸。高二丈九寸。趙村寬二丈有五。石佛寬丈有九。高畧等。以次相

江北運程

卷十九

壘

接節束水勢。而在城尤關緊要。惟牖背低矮。不能多下一板。議增高以蓄其勢。居濟一得云。在城牖舊例下板十八。天井高於此牖。下板再少。水易走洩。不能多蓄。增高牖背五尺。則可下板二十二。趙村接高四尺。則可下板十六。石佛接高三尺。則可下板十四。天井牖例下板十五。亦勤封閉。使水常蓄在牖上。甯使有餘。毋或不足。南運之通塞。此爲樞紐。不可不慎也。恂按萬里雲程以此爲第二十九牖。轉漕衡湘筆記。壬子十月二十五日。泊此候風。二十九日始行。時豐北決口。河湖水漲也。

國朝毓奇會勘運隄緯道事宜疏。運河辦理緯道事宜。照上年所定。分作五段。第一段自濟甯在城牖下。至棗林牖六十



里東岸隄堰大半出水地勢較高照舊修墊估用椿埽子堰以通緯挽第二段自棗林牖至珠梅牖八十二里湖河相連並無隄岸前設水站七處用船引緯至正令漕船由獨山湖行走至新挑河水口入運惟出新挑河至正河處口門水祇四尺以外若再消落重運必形淺澁且河面寬廣該處又係繞灣而行湖中陡遇風暴究屬冒險上年八月江西贛州幫船在新開河因風沈溺自應另爲設法查該處正河兩岸雖在水中淺處已露隄影究可隔別湖河應自棗林至南陽十二里修做排椿鑲埽墊出緯路可減水站十餘里直至濟甯既避新河之險並免風波之虞其自南陽至珠梅七十里仍於正河安設水站兩岸隄頂插標記認又自珠梅至黃埠六十六里惟彭口夏鎮地形高阜餘皆窪下過水甚寬仍就一岸分修緯道橋梁又自黃埠莊至韓莊牖四十一里正河近界微湖水勢洶激沿河石工坍塌河心恐礙重運仍於東坡設立水站標記由韓莊至望湖亭下轉入東坡行走至朱姬莊郟山入運其韓莊至黃林九十里望湖亭下雞嘴埧及入牖內水口橋梁數十處稍爲粘補通緯毋庸動項辦理原設水站十二撥減去四撥每站小緯船仍酌量修用員弁巡船改

### 江北運程

### 卷十九

吳

雇民舟俟水落一併撤減以歸節省倘按此奏在乾隆四十八年正月任漕督時疏載河渠紀聞並言是時青龍岡漫工堵築需時轉瞬新漕北上入運之水河湖一片上游來源未截是以先籌通運修理緯道安設水站以備漕艘經行葉觀潮疏據運河道詳稱運河廳濟甯汛在城牖建修年久無案可稽該牖北距天井牖河道僅長里許地形高下相承勢如建瓴每逢糧艘經行天井牖放船全賴在城牖擊托實爲東省最要關鍵歷年伏秋大汛汶水漲發奔騰下注急溜衝擊歷年久遠底椿朽腐牆石酥損金門由身轉角雁翅等工全行敝裂牖底衝撤槽石破碎通身滲漏難以三板擊蓄急應徹底拆修且該牖地勢低窪牖牆卑矮如遇水勢盛漲輒漫牖背糧艘每易觸碰須加砌厚石二層較舊制高三尺二寸並東西兩岸雁翅破岸一律拆修加高西岸南頭接連礮岸應估接長除選用舊石連挑河築埧共估例幫價銀一萬七千九百八十兩臣查該牖實係難緩之工懇准動撥司庫銀兩辦理倘按此奏在嘉慶二十二年六月初八日時任東河

六里。跨河趙村牯。濟甯

漕運紀程趙村牯。元至正中建。循按運河備覽元泰定四年建北河續記作至正七年在

石佛牯北八里。有月河一道。牯官一員。牯夫二十五名。溜夫二

十五名。運河廳冊趙村牯一座。金門口寬二丈五寸。砌石十九

層。高二丈二尺八寸。元至正七年建。乾隆二十三年重修。四十

九年嘉慶四年補修。牯夫二十五名。越河一道。長二百八十二

丈。以上二牯。在城趙村牯官一員。專司啟閉。該牯官原缺乾隆四十六年裁汰牯務歸在

城牯官兼管。全漕運道圖濟甯趙村牯。巳亥向自在城牯至此六里

四省運河圖說趙村牯。板宜下十六塊。始足蓄水。而糧船不致

江北運程

卷十九

四

淺阻。居濟一得趙村牯。牯背亦低。在城牯背既接高五尺。趙村

牯背亦宜接高四尺。牯板宜下十六塊。始足蓄水。而糧船不致

淺阻。轉漕衡湘筆記曉起已過趙村牯。水寬平。不復下板。恂按

萬里雲程以此為第三十牯。

六里。跨石佛牯。濟甯

漕運紀程石佛牯。元延祐中建。循按運河備覽元祐六年建全河備考掘土中得石佛十二故

名。在新店牯北十八里。有月河一道。牯官一員。牯夫二十五名。

溜夫二十四名五分。運河廳冊石佛牯一座。金門口寬二丈。原

高二丈二尺八寸。元至正七年建。雍正三年修。乾隆四十九年

嘉慶四年補修。牯官一員。牯夫二十五名。專司啟閉。越河一道。長二百六十一丈。全漕運道圖。濟甯石佛牯。已亥向。自趙村牯至此八里。四省運河圖說。石佛牯。所以關上源之水。使不妄洩。板宜下十四塊。東岸有石佛閣。居濟一得石佛牯。牯背亦低。趙村牯背既接高四尺。石佛牯背亦宜接高三尺。牯板宜下十四塊。則上源有蓄。不致過淺。又此牯宜酌量上下水勢。上下水勢俱足。則此牯宜下板蓄水。糧船既過。棗林牯。棗林牯閉板。卽啟師莊牯板。如仍淺阻。卽並啟仲家淺牯。則船自易行矣。向按萬里雲程。以此爲第三十一牯。轉漕衡湘筆記。辰刻過石佛牯。牯背尚有人家。自趙村迤南。東西兩隄。或斷或續。石佛閣。在石佛牯北。東岸民居多圯。閣巍然獨存。較盛漲時水。已落低八九尺。樹頭猶有沒水中者。

江北運程

卷十九

吳

國朝吳敬疏。運河廳濟甯汛隄工。爲漕運往來緯道。兼資保衛。攸關緊要。自嘉慶四年修築。並十六年擇要幫培。後歷經伏秋大汛。水長隄塌。衝刷殘缺。上年疊次大雨。漲發尤爲湧驟。白石佛牯上小龍灣起。至魯橋涵洞止。一帶河道上承汶府泲河來源。匯流入運。又因下游泗河之水。全出魯橋頂托。致水勢積長。拍岸盈隄。兼之東坡積水寬深。兩面汕刷。隨時搶護。得保平穩。迨水落歸槽。後查驗隄工。有刷去石眉以上土隄一半者。並有隄頂剝削。僅存寬二三尺者。在在單薄。該要堪虞。亟應擇要趕緊修築。高厚以資抵禦。而通緯挽據。該道廳擬估增培隄工二十七段。臣詳加確覈。內有次要工段。駁減緩修。其實在殘缺卑薄。必應趕辦之工。計十八段。長一千六百九十六丈。共估需銀五千五百三十八兩。據運道具

詳臣覆覈無浮。請於道庫節省入東項下。動支趕辦。倘按此奏在嘉慶二十年五月。王念孫石佛牯放舟詩。理楫卽長。踏水氣侵我衣。石咽清流響崖排。古木齊嫋嫋。渚花靜瑟瑟。兼葭希獨鳥。下遙空。勢與殘雲低。空明豁心目。方悟前途迷。孤棹去客與興言尋舊谿

九里。花家淺。濟甯

四省運河圖。花家淺東岸有上四里灣單牯。

九里。跨河新店牯。濟甯

漕運紀程。新店牯。倘按運河備覽。元大德中建。備覽大德元年建。在新

牯北八里。有月河一道。牯官一員。牯夫二十五名。溜夫二十四名。五分。運河廳冊。新店牯一座。金門口寬二丈四寸。砌石二十

江北運程 卷十九 吳

層高二丈四尺。明洪武四年建。乾隆四十四年加高重修。四十

九年補修。嘉慶四年補修。牯官一員。牯夫二十五名。專司啟閉。

越河一道。長二百三十四丈。東岸新店牯上四里灣單牯一座。

金門口寬一丈二尺。砌石十二層。高一丈四尺四寸。新店牯下

四里灣單牯一座。金門口寬一丈二尺。砌石十一層。高一丈三

尺二寸。俱宣洩坡水。乾隆四十九年建。嘉慶四年補修。全漕運

道圖。濟甯新店牯。乙辛向。自石佛牯至此十八里。四省運河圖

說新店牯。夏秋水漲。啟牯放使南流。會沂水出魯橋。轉漕衡湘

筆記未刻。過新店牯。河湖一片矣。第舟仍行河身中。倘按萬里

雲程作新莊牖。並云第三十二牖。山東運河備覽由新牖六里至新店牖。東岸涵洞一。在牖下。乾隆元年建。二十三年拆修。宣洩黑土店坡水入運。

八里。跨新牖。濟甯。

漕運紀程新牖。卽黃棟林牖。倘按運河備覽舊稱黃棟林新牖。元至正中建。備覽

至正元年建。在仲家淺牖北五里。有月河一道。牖務歸併師家莊牖。

牖夫二十五名。溜夫二十四名五分。運河廳冊新牖一座。金門口寬二丈一尺。砌石二十四層。高二丈八尺八寸。明洪武三年建。雍正六年重修。乾隆四十九年補修。嘉慶四年補修。牖夫二

江北運程

卷十九

辛

十五名。越河一道。長二百三十九丈。東岸越河內王家門前涵洞一座。口門寬一丈。入身長五丈。高八尺四寸。宣洩坡水。乾隆十七年建。二十三年重修。四十九年嘉慶四年拆修。全漕運道圖。濟甯新牖乙辛向。自新店牖至此六里。倘按萬里雲程。以此爲第三十三牖。四省運河圖。新店牖新牖之間。東岸有下四里灣。單牖。轉漕衡湘筆記。申初過新牖。日隱雲中有風意。過此無可泊。遂泊新牖南。十一月朔。仍泊此。

六里。跨仲淺牖。濟甯。

漕運紀程。仲家淺牖。明宣德五年建。在師莊牖北六里。有月河

一道。牯務歸併師莊牯。牯夫二十四名。溜夫四名。運河廳冊仲  
淺牯一座。金門口寬二丈八尺。砌石二十四層。高二丈八尺八  
寸。明宣德五年建。乾隆二十三年重修。四十九年嘉慶四年補  
修。牯夫二十四名。越河一道。長二百六十一丈。東岸越河裏涵  
洞一座。口門寬一丈。入身長五丈。高八尺四寸。宣洩坡水。乾隆  
十七年建。二十三年重修。四十九年嘉慶四年拆修。全漕運道  
圖。濟甯仲淺牯。丙壬向。自新牯至此六里。恂按萬里雲程。以此  
爲第三十四牯。四省運河圖。仲家淺西岸有仲子祠。轉漕衡湘  
筆記。初二日辰初過仲淺牯。牯北西岸有衛公仲子路廟。苑壁  
江北運程

卷十九

五

水浸圯矣。居人多公裔。一統志。仲子廟。在濟甯南四十里。漢更  
始。初子路後裔避亂。自泗水流寓濟甯。因建廟橫坊村。卽仲  
家淺也。

明張國維請導白馬河入仲家淺。疏濟甯州運道。自棗林牯  
湖師家莊。仲家淺。二牯。歲患淤淺。考之泉志。泗河由魯橋入  
運。濟漕棗林牯。名爲泗河派。伏秋水勢洶湧。足資利濟。而披  
沙注河。水退沙積。利害亦參半焉。傍有白馬河。涯鄒縣諸泉  
并蓋云。二河之水。經捲里與泗合流。而出魯橋。向因泗水猛  
悍。白馬力弱不敵。以致河身半歸淤塞。不爲漕運者久矣。今  
歲船滯棗林。牽挽莫施。鄒縣管泉縣丞王訪吾。集夫挑濬白  
馬河口。一泓初出。而停滯遂疏。今廣爲咨訪。逐加丈量。察泗  
河南出魯橋。水道迂遠。河形漸狹。白馬河上源甚窄。而泗流  
扼之。以致下流。遂化溝渠。且魯橋一帶。地勢高亢。展浚不易  
爲力。近改入師家莊。已多濟一牯。而流向涓涓。白馬上源寬  
處。止與仲家淺牯對。不里許。且地勢獨窄。若導令入仲家淺。

較之魯橋師家莊迂直高下遠近之勢自不侔矣易細流爲  
洪流一便也入運直截減沙滲之患二便也濟仲家淺井濟  
師家莊棗林牖三便也又恐泗河漲發仲家淺之受沙亦與  
棗林等議於白馬與泗河所改水口各豎大椿伏秋之時豫  
築土埧遏水仍由故道水消則啟埧以納清流周咨輿論僉  
謂救涸之著無踰於此恂按疏見崇禎長編崇禎十四年國  
維時總理河道國朝陳廷敬仲家淺望嶧山作言過仲家  
淺仲廟河水傍嶧山對廟門百里來青蒼影連初日動勢接  
春水長遙峯插天漢空翠分厓厓不覩泰山尊爭長雄東方  
歛吸互南戒透逃趨西疆豁然去欲無林鬱鬱迴翔掩映仲  
子廟千禩嘆相望我茲在川上漾舟涉微茫前浦行修途未  
登涿泗堂生不逢孔子日月依未光扣舷問漁父夕照明滄  
浪石鈞仲家淺阻雨詩昔賢能負米而我獨離親况對孤  
篷雨因憐萬里身天低鴻雁遠江冷菊花新自嘆羈縻者年  
年此問津

五里跨濟河師莊牖甯

江北運程

卷十九

五

漕運紀程師莊牖元大德中建恂按運河備覽在棗林牖北十

大德二年建

二里有月河一道東岸進水有魯橋泗河口牖官一員牖夫二

十四名溜夫十二名五分運河廳冊師莊牖一座金門口寬二

丈二尺原高二丈八尺八寸明洪武十四年建乾隆二十三年

重修四十九年嘉慶四年補修二十年拆修加高三層共高三

丈二尺四寸牖夫二十四名越河一道長一百一十八丈以上

三牖新牖仲牖官一員專司啟閉牖下兩岸接修石礮岸工長

淺師莊

六丈原高一丈四尺四寸明洪武十四年建乾隆二十三年重

修四十九年嘉慶四年補修二十四年拆修加高三層砌石十

五層共高一丈八尺。全漕運道圖濟甯師莊牐。丙子向自仲淺牐至此五里。恂按萬里雲程以此爲第三十五牐。四省運河圖說水淺。啟師莊仲淺牐。南陽利建多下板。則船自通行。轉漕循湘筆記。辰正過師莊牐。牐背爲水漫多圯。時已漸出水。示我周行。言地多子張裔。恂按師莊牐。張公奏議作師莊牐。據示我周行當作師。居濟一得此牐宜酌量上下水勢。上下水勢俱足。則此牐宜下板蓄水。如棗林牐上水淺。船不能行。糧船既過棗林牐。棗林牐閉板。卽啟師莊牐。如仍淺阻。卽並啟仲家淺牐。則船自易行矣。

江北運程

卷十九

三

國朝李逢亨吳璫疏據運河道洪範詳稱運河應濟甯州汛師莊牐一座上承汶水衝激而下游泗河長發渾流倒漾淤墊堪虞全賴此牐啟閉得宜最爲緊要該牐自乾隆十一年拆修以來歷今六十餘載底樁朽腐牆石酥損金門兩岸由身轉角雁翅裏頭等處全行賊裂牐底衝掀槽石破碎通身滲漏並該牐地勢低窪應加高三層方資攔蓄臣等查係緊要之工指日回空糧船過完卽應趕緊興辦於明年鋪水以前普濟完竣恂按此奏在嘉慶二十年九月八日

四里

兩岸 濟甯

普濟泗水由此入運

一統志魯橋鎮在濟甯州東南六十里。唐咸通十年。徐卒龐勛等作亂。兗州發兵戍守魯橋鎮。九域志。任城有魯橋山口二鎮。明初置巡司。今裁。又兩川橋在魯橋鎮。方輿紀要魯橋鎮。州南五十四里。唐咸通十年。徐州叛卒龐勛等作亂。兗州發兵戍守。



魯橋鎮以備侵軼。今爲運道所經。有魯橋牖。又置魯橋驛及漕運所巡簡司於此。隆慶中。驛與漕運所俱廢。運河廳冊魯橋沙洲寺上擺渡口涵洞一座。口門寬一丈。入身長五丈。高八尺四寸。宣洩坡水。乾隆二十三年修。四十九年重修。轉漕衡湘筆記。已初過魯橋鎮。地高民稠。瓦屋多未圯者。牖石殘毀不全矣。有子思廟。有仲子書院。舟左別有河身。泗水入運處也。運河口樹懸一旗。題曰魯橋汛。三官廟出湖處。常年運河。岸西爲南陽昭陽微山諸湖。岸東則獨山湖也。今汪洋浩瀚。不辨東西。張公奏議魯橋鎮。居民雜稠。商賈輳集。本郡一大鎮也。有南州書院。祀

江北運程

卷十九

五

仲子路。宣聖墨池。在魯橋牖下。俗名硯瓦溝。水墨色。東河事宜冊。泗河出魯橋。乾隆三十七年。奏將泗河內董家石埧拆除。展寬孟家橋石橋。俾泗水逕入獨山湖。並減濟甯新店東坡水患。運河廳冊。泗河一道。發源泗水縣陪尾山。會合諸泉。至濟甯州魯橋入運。一股入獨山湖。一統志。泗水源出泗水縣東陪尾山西流。徑曲阜縣北八里。又西南流。徑滋陽縣東五里。轉南流。與曲阜縣之西沂水合。入金口牖。又南流。徑鄒縣西南五十里。又南至濟甯州會洸水。由天井牖入運河。凡二百二十里。左傳哀公八年。齊伐魯。次於泗上。國語。宣公夏濫于泗淵。漢書地理志。

魯國卞縣泗水西南至方輿入沛。過郡三行五百里。水經泗水出魯卞縣北山。西南徑魯縣北。又西過瑕邱縣東。屈從縣東南流。漚水從東來注之。又南過平陽縣西。又南過高平縣西。泚水從北西來注之。又南過方與縣東。荷水從西來注之。又屈東南過湖陸縣南。洧涓水從東北來注之。又南過沛縣東。注地理志曰。出濟陰乘氏縣。又云出卞縣北。經言北山皆爲非矣。山海經云。泗水出魯東北。余昔因公事路經洙泗。尋其源流。水出卞縣故城東南。桃墟西北。墟有澤。澤方十五里。澤西際阜。俗謂之嬀亭山。自此連岡通阜。西北四十餘里。岡之西際。便得泗水之源。

### 江北運程

### 卷十九

五

也。石穴吐水。五泉俱導。泉穴各逕尺餘。泗水西逕其縣故城南。又西南流。逕魯縣。分爲二流。北爲洙。濱南則泗水。洙泗之間。則夫子領徒之所也。泗水自城北南逕魯城。西南合沂水。元和郡縣志。泗水之源有四。四泉俱導。因以爲名。明會典。泗河源出陪尾山。西流至兗州城東。又南流經橫河。與沂水合。元時於兗州東門外五里金口作埧建牖。遏泗之南趨。明朝因而修築。每夏秋水漲。則啟牖。放使南流。會沂水。由堦里河出師家莊牖。冬春水微。則閉牖。令由黑風口東經兗州城入濟。又南流會泚水。至濟甯。出天井牖。入於運河。舊志成化七年。工部主事張盛復作。

石埧。固之以鐵。以時啟閉。爲漕河之利。謂之金口牖河。禹貢錕指泗水。自泗水縣。歷曲阜。滋陽。濟甯。鄒縣。魚臺。滕縣。沛縣。徐州。邳州。宿遷。桃源。至清河縣。入淮。此禹跡也。今其故道。自徐州以南。悉爲黃河所占。按明萬曆以前。舊漕河自徐州。歷沛縣。而北。卽泗水也。其支流與汴水合。經二洪。下接於淮。則泗水尙入淮也。自萬曆二十二年。開濬沭河。以避黃河水險。由是黃專合汴。泗入運。不復達淮。山東通志。泗水自泗水縣東陪尾山發源。四泉並發。匯爲一渠。復納諸泉。西北流。出卞橋。與洙水會。合而西流。逕故卞城。黃溝村。李家坡。東巖店。鮑村。玉梁莊。至縣城東北。

江北運程

卷十九

五

受醴泉河水。又西流。逕三角灣村。至楚家寺村。泗水縣境內。行九十里。

曲阜縣界。又西。逕啟聖公林陶樂村。少昊陵。又西。有嶮河水入。

之。又西。逕至聖林北。又逕林西村。受新安諸泉。折而南。至顏家

河口。曲阜縣境內。行九十里。入滋陽縣界。又南。逕白家廟古城村。至黑風

口。分支入兗郡城東門吊橋。貫城西出。仍分流繞郭。至西門外。

復合爲一。逕平政橋。受縣北蔣詡諸泉。逕八里鋪。土婁牖。至二

十里鋪。滋陽縣境內。行三十里。入濟甯州界。又西南流。逕杏林牖。孫氏牖。

五泰牖。至楊家埧。徇按山東運河備覽。楊家埧以上十里爲吳泰牖。又東十里爲宮村牖。皆元至元中建。又

東十里爲孫時牖。又東十里爲杏林牖。俱廢。折而西北流。逕林家橋。會洸河。入馬場。

湖其經流逕郡城東金口埧。至粉店村。有沂河水入之。沂河源出鄒縣北尼山之麓。西流至程莊村。入曲阜縣界。又西逕河頭村。至曲阜城南。逕舞雩臺。又西受泉溝之水。至八里鋪。入滋陽縣界。又西逕三官廟前。迤南入於泗水。又南逕泗水橋馬家村。又逕鄒縣之小屯村許家村。至安上口。復入滋陽縣界。逕張家口。至柳溝村。滋陽縣境內經流。共行七十五里。入濟甯州界。又西南至吳家橋張家橋。至兩川橋。會白馬河。由魯橋入運河。白馬河自鄒縣北九龍山下溪湖發源。會陳溝白馬山孟母四泉。合爲一渠。西南逕屯頭橋。復會諸泉水。至崇義橋南。有蓼河水入之。又南。

### 江北運程

### 卷十九

七

逕平陽橋。至故夏社。有大沙河。水入之。又西南逕徐鎮橋。濟滕徇按山東運河備覽作勝橋。又逕黃路橋。永濟橋。至兩川橋。會泗水。由魯橋入運河。徇按東河事宜。冊白馬河。今由孟家橋逕歸獨山湖。河渠紀聞。乾隆十四年。東省。

大浚運河。顧琮奏改泗河董家口埧爲滾水埧。減洩漫水。疏入白馬湖。南通貫家灣。爲新泗河。又開支河。自貫家灣達魯橋。入運。按泗水由陪尾挾山溪溝泉。諸水直瀉百里。夏秋泛漲。潰岸飄沙。民田遭淹。兗東設埧二。一曰金口。卽隋文帝時薛冑於沂泗之交積石爲堰。決令西注。陂澤以溉。良田者。經泗河適中之所。地勢最高。每逢水漲。下游宣洩爲難。沂河亦於此會入。泗強。

沂弱。卽致泛溢。淹浸民田。設牖以箝束暴流。牖門五。其北一牖曰黑風。牖門二。至秋冬水涸。始閉金口。導水入黑風口。西流府河。至馬場湖收蓄。顧琮以泗河下流董家口頻年被刷。改建滾水埧。減洩漫水。卽由新衝河形疏入白馬湖。再於白馬湖淺窄之處疏入賈家灣。使歸獨山湖。復闢支河。自賈家灣西達魯橋入運。泗河盛漲之水。分流入白馬湖。則魯橋之下流不壅。闕支河由賈家灣入魯橋歸運。則白馬湖不溢。而魚臺徐沛無泛浸之苦。法之善者。後復以董家埧基過高。盛漲宣洩不及。將埧底展寬落低。並浚孟家橋馬坡。暢入尾閘。水小之年。卽於孟家橋築堰攔截。使由興隆橋入運。甯陽石梁口汶水漫堰入洸。至濟甯城北。頂阻府河之水。亦多旁溢。相機堵築。使汶不入洸。新洸河分道入運。又堵築入洸之汶。運東濟北無漂沙礫石之憂。而漕運亦安流矣。

### 江北運程

### 卷十九

美

明吳懋過魯橋詩。忽見郵籤報水程。客中無限故鄉情。雲連翠巘。尼山近。雨過平湖。汶水清。季札南來。聊問俗。仲連東去。欲逃名。難乘吾黨。歸歎興轉羨。遲遲是此行。

師莊魯橋之間。地舊屬鄒。

方輿紀要鄒縣運河。在縣西南七十里。志云。縣境所管河岸。南自濟甯之魯橋牖。北至濟甯之師莊牖。凡三里。倘按此間岸自

屬鄒。河務則濟甯州所轄。故通志奏議諸書於此均不及鄒。又  
河程記言。由魚臺而北九十里。達於濟甯。其東岸鄒縣境也。爲  
小牖一。明成化十年建。淺一曰捲里。又行水金鑑載舊通志言。  
鄒縣河之東北七十里東岸。北自濟甯之師家莊。南至魯橋牖。  
三里。置淺鋪一。曰港里淺。捲港互異。當從運河備覽諸書作捲。  
山東運河備覽。由棗林牖至師莊牖。東岸水口一。曰魯橋泗河  
口。明成化間。此處建有魯橋牖。治河方畧。凡沂之下流通乎捲  
里河。鄒之諸泉入於白馬河。并濟魚。二州縣等泉。各出魯橋入  
運。爲魯橋派。全河備考。棗林迤北六里至魯橋牖。月河長一千  
一百六十丈。今改正河是也。又云。自魚臺而北九十里至濟甯。  
其東岸係鄒縣境。魯橋師莊之間有捲里小牖一。橫過泗水入  
漕。按河程記。隆慶四年。改月河爲正河。魯橋牖遂廢。所謂捲里  
小牖。今亦無存。

江北運程

卷十九

五

一統志鄒縣。在府東南五十里。東西距一百里。南北距七十五  
里。東至泗水縣界六十五里。西至濟甯州界三十五里。南至滕  
縣界五十里。北至曲阜縣界二十五里。東南至滕縣界七十里。  
西南至魚臺縣界七十五里。東北至泗水縣界八十里。西北至  
滋陽縣界三十里。春秋邾國。魯穆公時改爲駟。漢置駟縣。屬魯。

國後漢晉宋魏隋皆因之。唐屬兗州。五代因之。宋熙甯五年省爲鎮。入仙源縣。元豐七年復置。仍屬兗州。金屬滕州。元因之。明洪武中改屬兗州府。本朝因之。圖志鄒縣衝繁。西北至府五十里。有邾城界河二驛。一統志鄒縣城周四里有奇。門四。城濠與小沙水相通。舊土築。明萬曆五年甃以磚。本朝順治五年。康熙七年四十八年重修。山東通志鄒縣舊城在嶧山之陽。南宋元嘉十三年徙今治。土城。明正德初重築。萬曆五年知縣馮中州改砌以磚。周四里八十步。高二丈一尺。厚二丈。以小沙河環之。池闊一丈。深一丈。門四。東曰瞻嶽。西曰襟濟。南曰崇教。北曰近魯。城上正樓角樓共八座。又鄒縣形勝。九龍連岡以向城。白馬匯泉而入運。

### 五派泉源其一出於鄒

張公奏議鄒縣陳家溝泉

距縣北二十里出原。蹇社原。蹇村平。地土中。西北流。三里入白馬泉。又五

里會馬山孟母二泉口。十里會岡山屯頭二泉。一里至白馬橋。三里會鱗眼泉口。五里至雙橋村。五里會新泉程莊泉口。十五里至內官橋。五里會黃港泉口。三十里至徐鎮橋。十里至白莊泉口。十五里至黃路橋。三里至紙房頭村。五里會淵源泉口。七里會柳青勝水二泉口。十二里至白馬泉。距縣北二十里出裏村中。入泗河。轉流入魯橋濟運。

#### 白馬泉

原蹇社原。蹇村平。地土中。西北流。三十里出朱莊社傅莊村

會馬山孟母二泉口。馬山泉。距縣北三十里。出朱莊社傅莊村

里會陳家溝白馬二泉。十里會岡山屯頭孟母泉。距縣北二十里。出公孫

### 江北運程

#### 卷十九

社宣村平地土中。西南流四里會陳家屯頭泉。距縣北二十里。溝白馬二泉十里會岡山屯頭二泉。距縣北二十里。出中曠社白馬廠村平地土中。西岡山泉。距縣北二十里。出中曠社白馬廠村。三里會岡山泉。平地土中。西南流三里入白馬河。黃港泉。距縣北三十里。出中曠社北貢村五里入白馬會河。故夏橋三里入白馬河。衙按會典明會典俱作黃港溝泉。距縣西北三十里。出中曠社程家莊泉。距縣西北三十里。莊平地土中。南流二里會程莊泉。出中曠社程家莊。平地土中。東南流八里至稻屯橋七里入白馬會河十五里。至內官橋轉出營橋。衙按會典明會典俱作程家莊泉。距縣南三十里。出朱莊社白莊村平地土中。地名川牛坡西。南流五里至雙村。七里至面房橋。八里入白馬河。十五里至黃路橋。三里至紙房頭。五里會淵源泉。距縣西南七十里。衙按朱莊社全河備考亦作莊朱社。淵源泉。里出安侯社鐵。腳山下平地土中。水深十餘丈。浩瀚無底。西北柳青泉。距縣西流四里入白馬河。七里至柳青勝水二泉口。

江北運程

卷十九

空

五里出薄梁社鄭老軍橋平地土中。西流勝水泉。距縣西南八里入白馬河。十二里至圈裏村入泗河。十里在薄梁社朝陽村源出自忒由山半腰石縫中。西北流至黃曲村。四里至鎮頭村。六里入柳青泉。八里入白馬會河。十三里至圈裏村入泗河。衙按忒由山全河備考作忒白山。又會典云舊有勝水泉今廢。以上諸泉俱注白馬河入泗。轉入營橋濟運。三角灣泉。距縣西南八十里。出薄梁社倉山坡平地土中。磨泉七。典作二。按白馬眾泉所歸入泗處乃咽喉之地。泗河上流身大。角灣泉。西流八里至兩川橋入泗河。轉入營橋濟運。衙按明會

下流至會白馬泉身小。泗流勁疾。白馬弱不能出。反被泗逆入。於是泛濫旁溢。近河田畝多受沖決淹沒之患。又他諸河入白馬者俱無源之水。冬春乾涸。至夏秋淫潦。東北諸山水一時傾注。噴沙入泗。遂成淤填。漕亦病之。明季故嘗於永濟橋挑築白



馬河導水濟漕。疏流濟運篇鄒縣十四泉。泉夫三陳家溝泉。白

馬泉。並在縣北二十里馬山泉。在縣北三十里孟母泉。在縣北十五里以上四泉為

白馬河上源。鱧眼泉。在縣北三十里程家莊泉。新泉。並在縣西北三十里三泉在白馬河

西。屯山泉。岡山泉。並在縣北二十里黃家港泉。在縣西十八里白莊泉。在縣南三十里

淵源泉。在縣西南七十里柳青泉。六泉在白馬河東岸以上九泉會流

由白馬河西南注泗。出魯橋口入運。三角灣泉。在縣西南八十里西流

至兩川橋入泗。狗按會典言以上諸泉俱匯泗出魯橋入運山東運河備覽鄒縣泉

十有七。其上泉曰鱧眼泉。縣西北三十里聯珠泉。縣南十里益運泉。縣西

八淵源泉。縣西南七十里三角灣泉。縣西南八十里其中泉曰陳家溝泉。縣北

江北運程 卷十九 空

里孟母泉。縣北十五里程莊泉。縣西北三十里岡山泉。縣北二十里濟運泉。縣西

八合璧泉。縣南七十里以上共十一泉。其曰白馬泉馬山泉新泉屯

頭泉倉山泉稻屯泉皆下泉也。今按泉河廳冊同合璧一泉自獨山湖入運餘十六泉由白

馬河會泗河入運

於曲阜之東南之南

張公奏議曲阜縣。達泉。距縣東南三里在馬跑泉村東出土中水中石如伏龍怒躍活潑可玩即左傳

所稱達泉是也。西南兩觀泉。出土中東南流近達泉。出土中

流三十步會兩觀泉。兩觀泉。五步會近達泉近達泉。西流二

十步會車軛泉。狗按軛車軛泉。出土中東南流雙泉。出土中

全河備考作軛下同。車軛泉。五步會雙泉雙泉。南流二十

步入茶泉。出土中東南流柳青泉。出土中西流十曲溝泉。距縣

茶泉。八步會柳青泉柳青泉。出土中西流十曲溝泉。距縣

二里在馬跑泉村西北出土中東會茶泉數步與柳青雙車輞  
近達兩觀遠泉相去亦各止十步或二十步共匯南流一里出  
口入通沂泉距縣東南四里出馬跑泉村洙泗河泉距縣東南  
跑泉村西土中南新泉出土中地名竹園西南流曲水詠歸泉  
流十步會新泉一百步會曲水詠歸泉

出土中南流二濯纓泉會浴沂潺聲泉出土中  
十步會濯纓泉會浴沂潺聲泉

半里同會諸泉入沂倘按會典作浴城南新開泉在南關南一  
沂泉明會典云舊有潺聲泉今廢

流一里入海河會文獻泉文獻泉在城東二步出土中晉頌思  
倘按會典作城南新泉樂泮水即此西南流三里入

沂倘按會典温泉距縣東南十里雖寒冬水常暖即會點所浴  
作文水泉温泉處也在張曲村東北出土中磨泉五西流一

里會近近温泉距縣東南九里在張曲村東北出土中西北  
温泉流一里會黑虎泉倘按會典作近温新泉

虎泉距縣東南八里出張曲村土連珠泉距縣東南七里出張  
中西北流半里會連珠泉曲村北土中西北流

江北運程

卷十九

六里同諸青泥泉距縣東南十五里出河頭村西北土  
泉入沂青泥泉中地名萬柳莊西南流五里入沂蜈蚣泉

距縣南二十里出大薛村西南西南流一里會鄒疏流濟運篇  
縣鱧眼泉入白馬泉倘按餘見卷十八馬場派

曲阜縣東南二十一泉沂河南一泉入鄒縣白馬河北境六泉  
入泗合計共二十八泉泉夫四十名

青泥泉在縣東南十里西南流入沂柳青泉雙泉近遠泉遠泉兩觀泉

車輞泉茶泉並在縣東南三里許以上七泉會流西南入沂曲溝泉在縣  
東南三里許

二南流入沂濯纓泉洙泗泉新泉曲水詠歸泉浴沂泉並在縣  
東南三里許

許以上五泉會流西南入沂文獻泉在縣城東二步城南新泉在縣南  
一里

以上二泉會流西南入沂連珠泉温泉近温泉黑虎泉並在縣  
東南八里

許以上四泉會流西北入沂通沂泉在縣西南四里西北流入沂又曲

阜縣南境一泉。蜈蚣泉。在縣南二十里。會鄒縣鱧眼泉南入白馬河。按

會典言。以上諸泉俱由沂匯泗流至魯橋牖入運。山東運河備覽。曲阜縣泉二十有九。

簡按詳卷十  
八馬場派。

### 濟甯之東南。

張公奏議濟甯州蘆溝泉。距州東南七十里。出兩城莊土中。泉頭五長十八里。南流入南陽牖。由磨

鑣溝出。馬陵泉。發源馬陵山西。距州東南六十里。東泉頭。西

水濟運。泉頭二。長六里。西流入棗林牖。由龍家橋出水。

運托基泉。距州東南五十里。出土中。泉頭二處。西流由龍家橋

入運。簡按會典通志明會典俱作拓基泉。以上四泉俱在運河東岸。簡按四泉兼浣筆泉。疏流濟運篇濟甯州東

而言浣筆泉已見馬場派。茲不復敘。南三泉。城東一泉。入運。合計共四泉。泉夫九名。蘆溝泉。在州東南七十里。南流。至南陽牖

### 江北運程 卷十九 寄

入運。拓基泉。在州東南五十里。馬陵泉。在州東南六十里。以上二泉會流。西至

魯橋入運。簡按會典明會典言。蘆溝泉入南陽牖河。馬陵泉入魯橋牖河。拓基泉入棗林牖河。山東運河

備覽濟甯州泉六。簡按詳卷十八馬場派。

### 計泉三十有九。

簡按據通志數之。鄒十四。曲阜二十二。濟甯三。計共三十九泉。

### 出魯橋濟運。為魯橋派。

疏流濟運篇五派泉源。一自滋陽之金口。上承泗水。曲阜諸

泉。詳馬場派下。又於垣南左承沂水。會曲阜南境諸泉。南流至兩川

橋。受白馬河。會鄒縣諸泉。出魯橋濟運者為魯橋派。張公奏議

山東泉派有五其一出於鄒於滕於濟甯於魚臺於嶧之西通平塔里黃良而下各入漕渠而不越平魯橋牖左右者爲魯橋派川濱異同鄒縣濟甯魚臺嶧縣之西曲阜之北五州縣之泉俱入魯橋是爲魯橋派。

六里跨河棗林牖甯

漕運紀程棗林牖元延祐中建銜按運河備覽延祐五年建在南陽牖北十

二里有月河一道東岸進水有新挑河口西鄰南陽湖牖官一員牖夫二十四名運河廳冊棗林牖一座金門口寬二丈二尺砌石二十三層高二丈七尺六寸明洪武十四年建乾隆二十

江北運程卷十九

壹

三年重修四十九年嘉慶四年補修牖官一員牖夫二十四名專司啟閉越河一道長一百九十七丈東岸牖下接雁翅起民堰一段長三十六丈緣工當牖窩每遇伏秋汎水漲發回溜淘刷糧船經臨提溜挽拽施犁打槩每歲民間幫培隨築隨塌情形必須修建大石工程方資經久前工長三十六丈分爲二段南首一段長十八丈砌石六層高七尺二寸北首一段長十八丈砌石七層高八尺四寸嘉慶四年建修小鎌溝水口分洩運河異漲入獨山湖兩頭各修碎石裏頭一座乾隆二十三年建四十九年重修嘉慶四年拆修新挑河水口分洩運河異漲入

獨山湖兩頭各修碎石裏頭一座。乾隆二十三年建。四十九年重修。嘉慶四年拆修。山東運河備覽。由南陽牖至棗林牖。東岸水口二。曰新挑河。受黃良等泉之水入運。曰磨鎌溝。受白酒二河。並魯橋東坡水入湖。在獨山湖上游。全河備考。魚臺縣黃良泉。距縣東北四十里。出黃山下土中。東西長八十五丈。至三岔泉。距縣東北四十里。出黃山下土中。東西長九十丈。東西長九十丈。至三岔河。河頭泉。距縣四十里。在黃良東。出土中。東西長一百七十二丈。至三岔河。陳家泉。中溢泉。距縣四十里。城東北黃山土泉。東西長一百五十丈。至三岔河。由新挑河入運。高家

江北運程

卷十九

三

東泉。高家西泉。距縣四十里。城東北黃山土泉。東西長一百十五丈。至三岔河。滕家泉。勝水泉。並距縣四十里。城東黃山土泉。東西長二百二十丈。至三岔河。以上九泉。皆會新開河入運。至南陽牖濟運。全漕運道圖。濟甯棗林牖。丑未向。自師莊牖至此十里。居濟一得棗林牖。上下俱不深通。每遇天旱。輒有淺阻。而以上師家莊仲家淺。新牖並無淺阻之患。乙酉初夏。棗林又遇淺阻。予令啟師家莊牖板。船仍不行。又啟仲家淺牖板。船遂通行。直過上兩牖。上下俱無淺阻。此已試之一法也。然又須南陽利建那莊多下牖板。草塞席貼。不使過水。則水不妄洩。船可通。

行。又濟甯以南不患水少。故宜隨到隨過。到若干幫。卽過若干幫。切不可一塘止灌一幫。令一幫占一塘。則山東四十八牐。四十八幫船占住。而船遂無可行之理矣。故宜隨到隨過。不論幫之多少。總不使船有留滯也。恂按萬里雲程。以此爲第三十六牐。轉漕衡湘筆記。過師莊牐後。自營橋汎出湖。行獨山湖。無復崖岸。棗林南陽二牐。隱約間從舟右而過。湧幢小品。劉松石。簡名天和。明兵部尚書諡莊襄。工於治河。如牐河之底。深淺不同。故盈涸難定。

公於涸時。一以棗林牐爲準。高者窪之。低者量留底板。牐如一。遂爲永利。水道提綱。泗水源出泗水縣東陪尾山。數源並發。俱

江北運程

卷十九

七

西流。合經泉林寺北。東南有雷澤湖。水溢亦西北來會。又西有二小水自南來

會。又西有三小水合自南來。會。又西有二小水自西南來。會。

小水皆出南山。又西經縣城北。折西南流。六十餘里。至曲阜縣東北。有

嶮河。自東北來注之。嶮河出泗水縣西北境之石門山。西南流與泗水合。西經孔林北。曲

阜城西北。又西南至兗州府城東北。分爲二支。其西穿城爲府

河。西南至濟甯入運者。支津也。正派經城東而南。有雪河。自東

來會。雪河卽浴沂之沂水。源出東南之尼山下。北流數十里。折而西北六十里有新安泉。自北來注之。又西流經曲阜南。

有橫溝泉水及諸泉。皆自東北來。會。又小水一折西南流六十餘里。又南流五十里。有白馬河。東北自鄒縣來。會。

白馬河源出滋陽南境。鄒

縣北境羣山匯諸泉水最東者曰黃港泉曰馬山泉其北曰白馬泉南流而合西南流合北來之鱸眼泉又西南合西北來之新泉又西南合東來泉水始稱白馬河經鄒縣西境而南嶧山水自東來會又西南注泗水

又西南至棗林

北入運河

四里灣 濟甯

漕運紀程濟甯州判該管河道南自四里灣起該管隄垣東岸

自高家衙衛至大王廟有板工四段共長二百七十九丈四尺

雍正六年建有土工三十九段共長六千一百四十九丈五尺

雍正七年加修又州城東有楊家埧泗水分入府河由此出天

井牖入運今築埧堵截引水入馬場湖西岸自仁和巷至打繩

江北運程 卷十九

亥

巷五段有板工共長五百四十六丈雍正六年建有土工四十

八段長五千六百一十五丈五尺雍正七年加修又有土工十

七段共長二千三百八十四丈雍正九年加修又趙村牖有月

河石埧

右自曹井橋起至四里灣會通河行濟甯州境計程九十

三里四分下入魚臺縣界恂按漕運全書濟甯州險隘處

所凡六十東岸曰新挑河曰磨鎌溝又名小鎌溝曰棗林牖上

越河頭曰牖窩曰牖下越河尾曰吳家溝曰高隄頭曰魯

橋莊曰泗河口曰沙洲寺曰魯橋涵洞曰師莊牖上越河

頭曰牖窩曰牖下越河尾曰黃家場曰仲淺牖上越河頭

曰牖窩曰牖下越河尾曰火神廟曰新牖上越河頭曰牖

窩曰牖下越河尾曰新店涵洞曰下四里灣曰新店牖上

越河頭曰牖窩曰牖下越河尾曰上四里灣曰花家淺曰

長灣曰杜家灣曰韓家灣曰賈家灣曰石佛牖上越河頭

曰牖窩曰牖下越河尾曰大龍灣曰小龍灣曰雙窰頭曰

大王廟曰趙村牖上越河頭曰牖窩曰牖下越河尾曰府

君廟曰新挑口曰太平街口曰通心橋曰在城牖又名小牖曰

二鋪頭曰天井牖又名大牖曰南門橋曰南橋曰會通橋倘拔以上

江北運程

卷十九

充

惟各牖兼東西餘俱東岸西岸曰白土灣曰小新莊曰撥夫口曰金家

火巷曰仁和巷曰王棚灣曰濟安橋又濟甯衛險隘處所

凡八東岸曰五里營曰二里半曰十里斗門又名十里曰安

居斗門曰安居莊曰永通牖又名耐曰汪家路口曰曹井

橋又按河防志濟甯衛河道北自曹井橋池北鉅野縣交界起南至五里營迤東濟甯州交界止計長一十七里

八分濟甯州河道北自五里營東濟甯衛交界起南至魚

臺縣四里灣交界止計長七十五里共長九十二里安

較水程細數單縮六分萬里雲程通濟橋十二里安居斗

門八里十里鋪八里趙村牖一里七分天井牖一里三分

濟甯州在城牖六里趙村牖八里石佛牖九里花家淺九

里新莊牖十里新牖八里仲淺牖六里師莊牖六里魯橋

圈六里棗林牖四里界牌計自通濟牖至界牌共一百三

里較水程細數單贏九里六分又按河程記由鄒縣而



北入濟甯境自州以西則濟甯衛分地也爲牘十四曰棗  
林距南陽十二里元延祐五年建月河長八丈明正德  
二年重修地北六里曰魯橋明永樂十三年建正德二年  
重修月河長一千一百六十五丈在河西岸明隆慶四年  
改爲正河又北五里曰師家莊元大德二年建月河長四  
十丈又北五里曰仲家淺明宣德五年建月河長五十一  
丈明萬曆十二年重修又北五里曰新牘元至正元年建  
月河長五十一丈又北八里曰新店元大德元年建月河  
長五十一丈明嘉靖十四年重修又北十八里曰石佛元  
延祐六年建掘得土中石佛像十二故名月河長七十九  
丈明宏治六年重修又北八里曰趙村元至正七年建月  
河長九十八丈明宏治十二年重修又西北三里曰在城  
元大德七年建明宏治十二年重修又西北一里曰天井  
元至治元年建一云唐尉遲敬德所剏也其西南曰分水  
元大德五年建月河牘三曰下新卽在城月河明天順三  
年改建曰中新至上新一里明成化十一年建曰上新卽  
天井月河明天順三年改建減水牘六新店新牘仲家淺  
各一屬州五里營十里鋪安居鎮各一屬衛明萬曆十七

江北運程 卷十九

卅

年建堤。曰趙村月河石堤明宏治初建淺十七曰視瓦  
溝曰棗林曰魯橋曰師家莊下曰師家莊上曰仲家淺曰  
新牘曰新店曰花家曰石佛曰楊灣曰趙村曰五里曰十  
里曰安居曰永通曰曹井橋湖。曰馬場一名任湖在五  
里東周圍四十里  
上受獨山湖之水

江北運程卷十九終

